

Orinjá Jono niwiniri wíá wómixinjípirini.

Ríwamiñí ripi, “Wíá wómixiniñípiyi” riniñípi Jono eañjirini. O Jisaso wiepisagowa worini. Jisaso rixa aññami nipeyimáná xwiogwí aga obaxí nipwémáná eñáná Jono niñweañisáná rixa xweyañí neri pirijwí bimi xegí yoí Patimosiyi riniñípimi gwí ñweañáná Gorixo oriñá upáráná Jisasomi siñwí winiri aññami nání nipeyiri amipí Gorixo tñjé e imóniñípi siñwí winiri amipí ríwíyo xwíá rirími imóniñípi siñwí winiri Jisaso Setenomi xopirárá winíápi siñwí winiri neri nání ríwamiñí ripi niriri eañinigini. Siyikí Jisasoyá íá ripíríáyí re oyaiwípoyiniri niriri eañinigini, “Agwí ríná xeañíñí neaimeaariñagí aiwi ámá e neairo Gorixomi símí tñni wirowarigíáyó o anipá wimixiniá eñagí nání nene eni pírániñí nixídiriniñípi dání xopirárániñí owianeyi.” oyaiwípoyiniri niriri eañinigini.

1 ¹ Xwíyíá re niriniri eáñiñípi, ayí amipí ríwíyo añwi e nimóniñípi nání Jisasi Kiraiso siñáni nimixiri wíá wómixinjípirini. Gorixo ámá xíomi xináíwániñí nimóniño omiñí wiariñí wíá owómixiniñí wíwapiyinjípirini. Api Jisaso xíomi omiñí wiariñí Jonoyi riniño tñjé e nání aññaniñí xíoyáo urowarénapaná oriñá ikaxí urinjípirini. ² Api winiñí nipini xwíyíá Gorixo urinjípirani, Jisasi Kiraiso woákíki winjírani, api nipini Jono áwanjé xixeni rowiáronjírini. ³ Amipí api rixa añwi e nimóniñí eñagí nání ámá xwíyíá re wíá ómixiniñípi íá róíá giyí giyí yayí aññami dánjé imóniñípi winiri ámá ríwamiñí re niriniri eáñiñí ripi íá roariñagía aríá niwiro xídíá giyí giyí yayí aññami dánjé imóniñípi winiri eníárinini.

Jono Jisasoyá siyikí imónigíáyí wé wíúmi dánjé waú nání payí eañjé nánirini.

⁴ Jononi Jisasoyá siyikí wé wíúmi dánjé waú Esia piropenisíyo ñweagíáyíné nání ríwamiñí ripi eaariñini. Gorixo —O añiñí íniñá ñweañorini. Eñíni dání ñweari sini agwi ñweari ná ríwíyo añiñí ñweari eníorini. O wá seawianiri niwayiróniño ñweapíri nání seaiiri éwinigini. Kwíyí wé wíúmi dánjé waú íkwianjwí seáyi e imóniñíniñami Gorixo éí

ŋweaŋe ŋweagiápi eni wá seawianiri niwayiróniro ŋweapíri náni seaiiri éwinigini. ⁵Jisasi Kiraiso —O Gorixo gí íwo ámáyo wíwapiyíwiniginiri urowárénapaná xixeni nipini niyárimi miŋí winiŋorini. Ámá xwáripáyo dáni wiápínimeapíría náni xámi wiápínimearŋorini. Mixí ináyí xwía rirími ŋweagiá niyoni seáyi e wimóniŋorini. O eni wá seawianiri niwayiróniro ŋweapíri náni seaiiri éwinigini. Omi —O diŋí sixí nineayiri negí íwí yariŋwápi yokwarimí neaiminiri náni neríná xewanigo niperiŋípimi dáni gwíniŋí nearoayíroŋorini. ⁶Ámá oyá xwioxíyo ŋweaaníwaéne neaimixiri xano Gorixoyá apaxípániŋí imónigiáyí xío tíŋí e anani páwiarigiápa nene eni anani páwipaxene neaimixiri eŋorini. Omi aniŋí mini íníná níni seáyi e umero ínimi wuríniro érixini. Api e imóníwinigini. ⁷Ai, o agwí tíni wepínariŋagi ámá níni siŋwí winiro omi pikigiáyí eni siŋwí winiro epírírini. Xwía rirími ámá gwí wirí wirí níni omi siŋwí niwiniro ŋwí numieáa upírírini. Ayí neparini. Xixeni e imóníwinigini.

⁸Áminá Gorixo re rarini, “Nioni aniŋí pirí tiŋweaŋáonirini. Eŋíná dáni ŋweari sini agwi ŋweari ná ríwíyo aniŋí ŋweari emíáonirini. Wa nioni tíni xixeni mimóní eŋí sixí eániŋáonirini.” rarini.

Jono Kiraisomi oriŋá tewíniŋí nánirini.

⁹Jononi —Nioni segi sérixímeá wonirini. Jisaso tíni nawíni níkariniriŋípimi dáni ríniŋí seaímeaariŋípa nioni eni nímeari oyá xwioxíyo ŋweaarigiápa nioni eni ŋweari xeaniŋí xwámámí wiarigiápa nioni eni axípi e wiri yariŋáonirini. Nioni Gorixoyá xwiýíá wáí uriri Jisaso Gorixo náni neaíwapiyiŋípi áwaní uriri yariŋagi náni piriŋwí Patimosiyi rarigiápi dáni gwí niyíáná niŋweaŋisáná ¹⁰síá Ámináo náni kikiáá ŋweaariŋwá wiyimi Gorixoyá kwíyípi níxixéroŋáná ríaiwá bi ríwími dáni pékáká niriniriniŋí eŋí tíni riníagi aríá re wiŋanigini, ¹¹“Oriŋá joxi tewínirípi bikwí winami ríwamiŋí neari ámá siyikí Jisasoyá imónigiá wé wíumi dání waú imónigiáyí náni —Wigí aŋyí xegí yoí tiyírini. Epesasi tíni Simena tíni Pegamami tíni Taiataira tíni Sadisi tíni Piradepia tíni Reodisia tíni ayírini. Aŋí ayí ayí tíŋí e náni wiowárixixini.” riníagi aríá e niwiri ¹²maŋí e nírariŋípami siŋwí owinimiri nikinimóniri weniŋí éáyí winiŋanigini. Síŋá gori tíni íkwiaŋwí imixiniŋí wé wíumi dání waú uyíwí ŋwiráripíría náni midimidáni éi nurárariniga puniŋagi niwiniri ¹³íkwiaŋwí éi nurárariniga puniŋíyo áwinimi ámaniŋí imóniŋí wo roŋagi winiŋanigini. O rapirapí sepiá síkwí ayo tíni rití iníŋí wú yíniri irikwíniŋí síŋá gori tíni imixiniŋípi xegí úpikwíyo xwinamiyaiwí iróniri nemáná roŋagi winiŋanigini. ¹⁴Xegí miŋí tíni díá tíni apíá niweríná sipisipí íániŋí apíá xaíwí weáriri xegí siŋwí eni ríá ápiáwíniŋí weri ¹⁵xegí síkwí kapá awiaxí ríá xaíwí niniríná siŋí iníŋíyí xixieá inariŋípa axípi e imóniri

manjé oyáyo dání níríríná iniigí iyakwí nidiroríná ruriwí rariñípa axípi riri yariñagi winiñanigini. ¹⁶O siñjé wé wúumi dájé waú wé náú tñni árwí xiriri kirá mixí nání midimidáni ñwá yiniñjé bá xegí manjéyo dání peyeari xegí símimanjé sogwí xaiwí naníríná anariñípa axípi e aniri yariñagi eni winiñanigini. ¹⁷Nioni omi siñwí e niwiníríná xegí síkwí tñjé e niperíniñjé wéagi aiwi o wé náú seáyi e ninikwiáriri re niriñinigini, “Joxi wáyí misinipani. Nioni píri tiñweañáoni ¹⁸aniñjé siñjé ñweañáonirini. Nioni rixa peñáoni aí sini piyí mimóní rixa aniñjé íníná ñweámía nání siñjé imóniñjini. Nioni kí áamá aníñipíría nánípi xiriri piyini siwí añjéyo ñweagíáyo úkwíowárimíápi nání xiriri eñini. ¹⁹Ayináni joxi siñwí naníñpi nání ríwamiñjé eari amipí agwi ríná imóniñjépi nání ríwamiñjé eari amipí agwi ríná imóniñjépi ríwíyo imóniñjépi nání ríwamiñjé eari ei. ²⁰Siñjé wé wúumi dájé waú wé náú tñni xiriñagi naniri uyíwí ikwiáripíría nání íkwianjé sijná gorí tñni imixiniñjé wé wúumi dájé waú weñagi winiri épi, ínimi simóniñjépi míkpi ripirini. Siñjé wé wúumi dájé waú ayí Jisasoyá siyikí wé wúumi dájé waú imónigíáyíyá aññajowa nánirini. Uyíwí nání íkwianjé imixiniñjé wé wúumi dájé waú ayí Jisasoyá siyikí wé wúumi dájé waú imónigíáyí api nánirini.

Añjé Epesasiyo siyikí xíoyáyo nání xwiýá uriñjé nánirini.

2 ¹“Siyikí nioniyá Epesasiyo ñweagíáyíyá aññajomi ríwamiñjé ripi neari mini wírixini, ‘Siñjé wé wúumi dájé waú wé náú tñni árwí xiriri íkwianjé uyíwí ikwiáripíría nání sijná gorí tñni imixiniñjé wé wúumi dájé waú éí nurárariniga puñjéyo áwini e añjé emeri yariño re riñoi urírixini, ²“Amipí joxi épi nipini nání nioni nijjé imóniñjini. Aniñjé miní eri xwámámí wiri yariñjépi nání nioni nijjé imóniñjini. ‘Áamá sipíyo anani oumíminimini.’ yaiwipaxí mimóniñjépi nání eni nijjé imóniñjini. Áamá wáí wurimeiarigíá wa mimónipa nero aí ‘None eni wáí wurimeiaríñwáonerini.’ rinarigíáwami joxi diñjé adadé niwiri iwamíó niwíwapiyiriniñjépi dání yapí rimearigíáwa eñagíá winiñjépi nání eni nijjé imóniñjini. ³Joxi nioni nixídaríñagi nání áamá wí xeaniñjé siaríná diñjé sixí níniri xwámámí niwíríná aniñjé bi misinipa eñjépi nání eni nioni nijjéarini. ⁴E níríriri aí ripini mixí bi oririmini. Eñjíná joxi iwamíó diñjé ninikwíroríná diñjé sixí niyagípa agwi sini axípi diñjé sixí miniyiñjini. ⁵Xámi néisáná óreámioañjépi nání diñjé nisiniri sipí agwi yariñjépi ríwímini nimamori xámi sini pírániñjé diñjé ninikwíroríná yagípa ámi axípi éirixini. E mepa nerínáyí, nioni nibiri joxi nisímearíná joxiyá íkwianjé uyíwí nání éí ráráriñe dání emi mímeámí emíárini. Joxi níkinimóniri nisaniri mepa éánáyí, e emíárini. ⁶Nioni mixí e níríriri aiwi joxi yariñjé ripi nañirini. Áamá uyíniñjé yariñjé Nikorasomi xídarigíáyí yariñjépi nání joxi símí ríniñjé sinariñjépi nañirini. Nioni eni ninariñirini. ⁷Aríá tíñoxi eñánáyí, xwiýá Gorixoyá kwíyípi siyikí nioniyá imónigíáyo urariñjé ripi

aríá ókiarí umónei. Ámá amipí sipí xíomi wímeáminiri éyí xopirárí wiarinjí go go íkiá dijí niyiminjé íníná ηweapírfa náni meaarigíána —Ana, ayí Gorixoyá omiñjyo añnamí roni. Ana xe odaniniri siñwí winimíarini.” riñoi.’ niriri ríwamijí eáirixini.

Añjé Simenayo siyikí xíoyáyo náni xwiýiá urinjí nánirini.

8 “Siyikí nioniyá Simena ηweagiáyíyá añnajomi ríwamijí re neari wírrixini, ‘Pirí tñjweaño —O piyí eño aí ámi siñjé ηweañorini. O re riñoi urírrixini, 9 “Xeaninjé ríá tñjé joxi símeaarinjipi náni nioni nijjárini. Díwí ikeamónarinjipi náni eni nioni nijjárini. E niririri aí amipí nanjé dijí níkwíroarigíáyo wiimíapi wí mirimúroñoxirini. Ámá wí —Ayí ‘Judayenerini.’ nirinero aiwi nepa xixeni Judayá imónigíáyímani. ‘Gorixomi yayí umeanirane náni awí eánariñwini.’ niriro aí surímá nero obomi xídarigíáyíri. Ayí ikayíwí seameararigíápi náni eni nioni nijjá imóninjini. 10 Xeaninjé nisímeariná ríniñjé sininjipi náni wáyí mepa éirixini. Aríá nií. Seteno ‘Jisasomi xídarigíáyí enjé neániro xídipírreói? Iwamíó owíwapiyimini.’ yaiwiarinjagi náni xegí ámá imónigíáyí xfoýá dijí tñni segí wíyo íá niseaxero gwí añjyo niseañwiráriro síá wé wúkaú núkaúmini xeaninjé niseaikára upíríarini. Xeaninjé niseaikára waríná wiyíné miñjé winipírfa aiwi aninjé dijí ninikwíroro níxídírrixini. E nerónáyí, aminañwí ámá dijí niyiminjé tégíá nimóniro íníná ηweapírfa náni díkínipíríapi anipá niseaiapimíarini. 11 Ámá aríá tégíáyíné enánáyí, xwiýiá Gorixoyá kwíyipi nioniyá siyikí imónigíáyo urarinjé ripi aríá ókiarí umónipoyi. Ámá nioni níxídarinjagía náni xeaninjé wímeáyí, ayí nioni píni miniwíarí sini níxídirinjípimi dání xeaninjé wiarigíáyo xopiráríniñjé wíáyí Gorixo ámá sipíyí ríá xwérími ikeáaráná ayí tñni nawíni ríniñjé Ámi bi Pepíríapiyi rininjipi wí meapíríamani.” riñoi.’ niriri ríwamijí neari wírrixini.

Añjé Pegamamiyo siyikí xíoyáyo náni xwiýiá urinjí nánirini.

12 “Joxi siyikí nioniyá Pegamami ηweagiáyíyá añnajomi ríwamijí re neari wiowáririxini, ‘Kirá midimidáni ηwá yiniñjé tñjo re riñoi urírrixini, 13 “Nioni díxí ηweaño náni nijjá imóninjini. E ηweagiáyí obaxí Setenomi xídarinjagía náni añjé o seáyí e wimóniñe, ayí joxi ηweañerini. Xámi segí wo, Adipaso —O ámayo nioni enjápi náni wáí nuriríná xixeni nuriyagorini. O añjé Seteno seáyí e wimóninjé apimi e nuríísaná miñjé winíagi aiwi seyíné wí dijí níkwíroarigíápi emi mimó dijí síxí níniyiro xaíwí íá níxiriñoi. 14 E niririri aí xwiýiá nioni mixí riripaxí bi imónini. Segí wí mimóní wíá rókiamoagí Beramoyi rinijó —O enjína Isireriyó yapí owíwapiyimíniri náni émáyí mixí ináyí Berakomi re uréwapiyayinorini, ‘Isireriyí íwí nero nanjwí ηwíápi náni ridiyowá yarigíápi niro íwí iniro éirixiniri náni e wíwapiyii. E wíwapiyii.’ uréwapiyayinorini. O enjipi agwi segí wí íá níxiriro axípi e seaíwapiyariñagía náni mixí searipaxí

imónini. ¹⁵ Eñíná mimóní wía rókiamoagí Beramo Isireriyo wíwapiyáána ñiní íá nixiriro íwí yagíápa segí wí eni Nikoraso seaíwapiyariñipi ñiní íá nixiriro íwí axípi yariñoi. ¹⁶ Ayináni áamá e yariğıááyíné ríwímíni nimamoro érixini. E mepa nerónáyí, nioni sini mé seyíné tíñí e nání nibiri áamá apimi arkí xídarigíáyí kirá gí mañíyo dání peyeaariñipá tını mixí wimíáriní. ¹⁷ Aría tíğıááyíné eñánáyí, xwiyía Gorixoyá kwíyípi siyikí nioniyá imónigíáyo urariñí ripi aría ókiarí umónípoyi. Áamá nioni nixídarigíáyí áamá wí íwí oépyoiniri wíwapiyáagía aiwi aría miwí nioni aníñí ninixídirinípimi dání ayo xopiráriníñí wíá go gomi nioni aiwá añínami dájñí agwi píní wení bi mini wiri síñá kirinasí wo —Síñá yoí síñí áamá meáoni nįjía imóninipi ríwamiñí ñwirárininorini. Síñá o mini wiri emíáriní.” riñoi.’ niri ríwamiñí neari wírixini.

Aní Taiatairayo siyikí xíoyáyo nání xwiyía uriñí nánirini.

¹⁸ “Joxi siyikí nioniyá imónigíá Taiatairayo ñweagíáyíyá añínajomi ríwamiñí re neari wiowárixini, ‘Gorixomi xewaxo, xegí síñwí ría ápiáwíniñí weri xegí síkwí kapá awiaxíyí xixéá inariñpa imóniri eño re riñoi urírixini, ¹⁹ “Nioni joxi yariñipi nání nįjía imóninini. Joxi ñiní sixí niyiri ñiní nikwírori áamáyo arirá wiri xeaníñí siarigíápi xwámámí wiri yariñipi nání nįjía imóninini. Sini iwamíó ñiní ninikwíroríná yagípimi rixa nimúrori seáyí e yariñipi nání eni nįjía imóninini. ²⁰ E niri riri aí ripi nání mixí riripaxí imónini. Joxi apixí Jeseberfyi riniñí —Í wí mimónipa neri aí ‘Wía rókiamoariñínirini.’ rinariñrini. Í áamá nioni ñiní ninikwíroro nání gí inókíniñí nimóniro omiñí niarigíáyo sipíni níwíwapiya nuri xarixarí niméra wariñagi nání ayí íwí iniro nañwí wigí ñwiápi nání ridiyowá ininipi niro yariñoi. Ími numíminiri xe owíwapiyiniri síñwí winariñí eñagi nání mixí riripaxí imónini. ²¹ Í xegí íwí yariñipi ríwímíni nimamori kikiá éwiniginiri xe bi tını oñweaniri síñwí winiñá eñagi aiwi xegí íwí áamá wí tını inariñipi ‘Bi píní owiárimini.’ miwimónarinini. ²² Aría ei. Nioniyá ñiní tını í simixí xaíwí weri áamá í tını íwí inarigíáyo xeaníñí xwé wímeari eníáriní. Íwí í wíwapiyariñipi ríwímíni nimamoro kikiá méánáyí, e wikárimíáriní. ²³ Áamá ími nixídiro nání xegí niaíwíniñí imónigíáyo eni simiári níwiri pikimíáriní. Nioni e wíáná siyikí nioniyá imónigíá níníyí nįjía re imónipiríáriní, ‘Áamá xwioxíyo dání pí ñiní mori pí nání wimóniri yariñipi adadí wiarino, ayí oriani?’ niaiwipiríáriní. Seyíné woxini woxini sipí segí egíápi tını xixeni pirí seamamómíáriní. ²⁴ E niseariri aí apixí í wíwapiyariñipimi mixídarigíá Taiataira ñweagíá wiyíné bi osearimíni. Seyíné xwiyía áamá wí ‘Seteno nearéwapiyariñí ná ínimi imóninipirini.’ rarigíápipimi aría miwigíáyínérini. Seyíné sekaxí xámi seariñápimi ámi bi niseariri ikwikwarimí seaimiméini. ²⁵ Sekaxí ámi bi ikwikwarimí miseaipa emí eñagi aiwi nioni ninixídiróná íá xirarigíápiní anani nioni weapimíáé nání aníñí miní nixira úrixini. ²⁶ Áamá apixí í wíwapiyiminiri yariñipimi

mixídipa nero nioniyá uriñápipimi yoparí imóníe nání nixída nuriniñipi dání ími xopiráriniñí wíá giyí giyo seáyi e wimiximíárini. Émáyo —Ayí ‘Gorixomi simañwíyóniñí ínimi wurínaniméwini.’ rariñíyáirini. Ayo seáyi e niwimóniro umenweapíría nání seáyi e wimiximíárini. ²⁷Gí ápo nioni seáyi e nimóniri ámáyo umenweámía nání nimixiniñipa nioni ámá xopirárí wíáyo eni axípi seáyi e wimixáná émáyo numenwearóná xwárá sixí xwía tíni imixiniñipi ainixí tíni píri uyikieáaná yuni ikxenariñipa ainixí tíni nixirimáná umenweañáná mañíyo wí píri wiafkípaxí imónipíríamani. ²⁸Xopiráriniñí wíá giyí giyo siñí ímiáo eni mini wimíárini. ²⁹Aría tígiáyíne eñánáyí, xwiýá Gorixoyá kwíyipi siyikí nioniyá imónigíáyo urariñí ripi aría ókiarí umónípoyi.” riñoi.’ niriri ríwamiñí neari wiowáririxini.

Añí Sadisiyo siyikí xíoyáyo nání xwiýá uriñí nánirini.

3 ¹“Joxi siyikí nioniyá Sadisiyo ñweagíáyíyá añínajomi ríwamiñí re neari wiowáririxini, ‘Kwíyí Gorixoyá wé wíumi dání waú tíni siñí wé wíumi dání waú tíni apiaú tño re riñoi urírixini, “Nioni joxi yariñipi nání nijá imóniñini. Seyíne nání wa re rariñíárini, ‘Jisasoyá siyikí imónigíá ayí sini dñí niwkwírooro nání siñíniñí imóniñoi.’ rariñagía aí seyíne rixa peá ninimoro nání dñí nikwíroarigíápi rixa íkwíkwí yini. ²Nioni ninixídiro neróná gí ápo Gorixo ‘Api neróná wé róniñí yariñoi.’ wimónariñipi tíni xixeni mepa nero nání sáníñí wegíáyíne, seyíne rixa niwiápnimearo segí xámi píraníñí yagía samíñí niweri anipá imóniminiri yariñipi ámi dñí aumaúmi niniro eñí sixí eámixiniñoyi. ³Xámi nioni nání aría niwiríná dñí nikwírogiápi ámi dñí oseainini. Apimi nixídiróná segí íwí yariñípi ríwímini mamóririxini. Sáníñí wegíe dání miwiápnimeapa éánáyí, nioni ámá íwí meáminiri barigíáyí yapí nibiri maiwí ñweagíámi seaímeáminiri yaríná nijá wí re imónipíríamani, ‘O íná biniríeniñoi?’ yaiwipíríamani. ⁴E niseariri aí Sadisiyo ñweagía wiyíne nioni píraníñí ninixídiro nání íwí mé neróná segí rapirapí kíyiniñí mórimitarigíáyínerini. Seyíne árini wí sini ñweañoi. Seyíne rapirapí apía wení niyínimáná nioni tíni nawíni añí yaníwáriní. Seyíne nioni píraníñí ninixídiriniñíyo dání e epaxí imónipíría eñagi nání rariñini. ⁵Ámá nioni ninixídiróná peá minimó xopiráriniñí wíá giyí giyo nioni rapirapí apía wení rúniñí imóniñíyí uyíriri wigí yoí íkwí ámá dñí niyimiñí imóniñí íniána ñweapíría nání yoí ñwiráriníñinami ñwiráriníñipi mikwírípa eri gí ápo tíni xegí añínajowa tíni siñwí anigíe dání ‘Ayí gí ámáriní.’ uriri emíárini. ⁶Aría tígiáyíne eñánáyí, xwiýá Gorixoyá kwíyipi siyikí nioniyá imónigíáyo urariñí ripi aría ókiarí umónípoyi.” riñoi.’ niriri ríwamiñí eáirixini.

Añí Piradepiayo siyikí xíoyáyo nání xwiýá uriñí nánirini.

⁷“Joxi siyikí nioniyá Piradepiayo ñweagíáyíyá añínajomi ríwamiñí re neari wiowáririxini, ‘Xewini aga xegí bi imóniri nepaxiñí imóniri

ejo —O kí mixí ináyí Depito eñná íá xiriñipa anj siñyo ηweapíría nání íá xiriñorini. O íkwíáná áamá wo ówanj yáripaxí menini. O ówanj yáraná áamá wo íkwipaxí menini. O re riñoi urírixini, ⁸“Amipí seyiné yariñípi nání nioni nijárini. Eñj xwapí meániñíyíné nimóniro aí xwiyíá nioniyápi xaíwí íá nixiñiro xeaniñj seaikáráná ‘Jisasomi xídaríñíyí wienemaní.’ muripa egíá eñagi nání segí símimanj riwámimi nioni anj ówanj áamá wo miyáripaxí imóniñina seaikwiárárini. ⁹Áamá ‘Gorixomi yayí oumeanirane nání awí eánariñwini.’ niriñiro aí surímá nero Setenomi xídaríñíyí —Ayí nepa Judayí mimónipa nero aiwi yapí niriñiro ‘Judayí wienerini.’ rariñíyíriñi. Ayí nioniyá diñyo dání nibiro wauní niseaikárinero segí sikwí tñj e nipkínimearo nijá re imónipiríriñi, ‘Áamá tiyí o diñj sixí uyiñíyíriñi.’ Nijá e imónipiríriñi. ¹⁰Seyiné xwiyíá ‘Áamá xeaniñj seaíñipimi xwámámí niwiro anij níxíñírixini.’ seariñápi pirániñj íá nixira wariñagía nání nioni xeaniñj ría tñj áamá xwía riri niriñini ηweagía niyoni iwamíó wíwapiyini nání wímeaníñipimi dání seyiné seamixeámíárini. ¹¹Nioni sini mé nibiri seaímeámí eñagi nání wa segí aminañwí diñj niyimñj íñná ηweapíría nání dñkñipiríñipi seapiririxiniñi nioni ninixídiróná íá xirariñípi anij miní pirániñj íá xirírixini. ¹²Áamá nioni ninixídiróná xopirári wíá giyí giyo nioni nimeari gí ápo Gorixoyá anj ηwíáiwámí íkíá xwiyíániñj oranjaráná ámi iwámí dání wí peyeapiríamani. Ayo gí ápo Gorixoyá yoípi ηwiráriñi anj o ηweañípiyá —Anj api Jerusaremi Siñípiyí riniñipirini. O tñj e aññami dání wepíniñípiñi. Apiyá yoí ηwiráriñi emíárini. ¹³Aría tíñíyíné eñánáyí, xwiyíá Gorixoyá kwíyípi siyikí nioniyá imóniñíyá urariñípi aría ókiarí umónipoyí.” riñoi.’ niriñi ríwamiñj neari wiowárixini.

Anj Reodisiayo siyikí xíoyáyo nání xwiyíá uriñj nánirini.

¹⁴“Joxi siyikí nioniyá Reodisiayo ηweagíyíyá aññajomi ríwamiñj re neari wiowárixini, ‘Nepaxiñj imóniño —O Gorixo áamáyo xío imóniñípi nání wíwapiyíwiniñiniñi uowárenapiñipi nepáni wíwapiyiri xixeni nipini yáriñi eñorini. O amipí nipini Gorixo imixiñipi míkí ikiñorini. O re riñoi urírixini, ¹⁵“Amipí seyiné yariñípi nání nioni nijárini. Sogwí diñj yinariñipániñj yariñíyíné, seyiné ría síniñj nimóniro nioni aga pirániñj minixídipa yariñíárini. E niseariñi aí imiñj ráriñiñiñj nimóniro anijniñi diñj peá ninimoro eni miyariñíárini. Sa sogwí diñj yinariñipániñj yariñíárini. Seyiné ría nisíniñi siñwiriñíyí, imiñj niriñiñi siñwiriñíyí, ‘Ayí ananirini.’ nimóniminiri ériñi. ¹⁶Seyiné ría misíniñi ero imiñj miráripa ero nero sa sogwí diñj yinariñipániñj yariñagía nání seyiné gí mañíyo dání emi seaúrimómíárini. ¹⁷Sewaniñíyíné ‘Amipí bí mineamúroñenerini. Amipí xwé ayá tíñwaénerini. Amipí aí bí nání mikeamóniñwini.’ niriñiro aiwi gí siñwíyo dání seyiné imóniñíá ripi nání aga majíá imóniñoi. Sipí imóniro áamá diñj sipí seaipaxí imóniro uyípeayí imóniro siñwí supáriñj

imóniro íkwauyixí imóniro egíápi nání sewaniñíyíné majíá imóniñagía nání ¹⁸nioni seyíné ámi pírániñí nixídipíría nání ewayí xwiyíá ripi bi osearimini, ‘Seyíné amipí wí mimúrónigiáyíné imónipíri nání síñá gorí ríá yeááná sikí nirixanowimáná awiaxí imóniñipi bi nioni bí niro ámá síñwí seanaríná íkwauyixí eñagi niseaniróná ayá seaininiginiri rapirapí apíá wení yínipíri nání bi bí niro pigí síñwíyo gíní niniro síñwí anipíri nání bi bí niro érixini.’ osearimini. ¹⁹Ámá nioni dñí síxí uyiñáyí pírániñí onixídipoyiniri mixí nuriri siyikí weáwapiyariñá eñagi nání símí nixeadipéniro segí íwí yarigiápi rfwímimi nimamoro érixini. ²⁰Aríá époyi. Nioni segí xwioxíyo íwí éniñí bíariwámimi nirómáná ówaní iwaní eaariñini. Ámá go go mañipá aríá niniri ówaní niníkwiiirínáyí, o tñí e nání nipáwiri o tñi yawawi aiwá nawíni naníwírini. ²¹Ámá nioni ninixídíróná xopiráriniñí wíá giyí giyí nioni xopirári niwiárimí gí ápoyá siá íkwiañwínami xío tñi ñweañápa ayí eni nioni tñi gí siá íkwiañwínami xe niñwearo ámáyo umeñweápoyniri síñwí winimíárini. ²²Aríá tígíáyíné eñánáyí, xwiyíá Gorixoyá kwíyípi siyikí nioniyá imónigiáyó urariñí ripi aríá ókiarí umónípoyi.” riñoi.’ niriri rfwamiñí neari wiowáfirixini.” niriñinigiñi.

Oríá niwiniríná añinami Gorixo tñí e imóniñipi winiñí nánirini.

4 ¹Xwiyíá api rixa ninirárímáná eñáná Jononi weníñí yáníáyí winiñanigini. Añinami añí ówaní wina íkwíáriníñagi niwiniri mañí xámi pékákíniñí rariñagi aríá wíá axípá “Amipí apimi dání rfwíyo nimóniníápi siwá simi nání re nání yapei.” nireñapiñagi aríá niwiríná ²axíná re eñinigini. Gorixoyá kwíyípi nixixéroninigini. Nixixéronáná weníñí éáyí winiñanigini. Mixí ináyíyá siá íkwiañwí wina añinami ñwiráriniñagi winiri anami wo éí ñweañagi winiri eñanigini. ³Anami éí ñweaño xegí imóniñipi, ayí síñá awiaxí jasipái riniñipi yaí kikírori xwiníá eari yariñipa eri síñá konirianíyí riniñipi ayíá riri xwiníá eari yariñipa eri eño e éí ñweañagi niwiniri opínagwíá síñá emerái riniñipíniñí sowiniñí imóniñipi siá íkwiañwí anami xapixapí eadíronagi niwiniri ⁴íkwiañwí anami dání ámi obaxí bi ²⁴imóniñipi midimidáni niñwiráriniga puñagi niwiniri ámá áminá ²⁴awa rapirapí apíá wení niyíniri aminañwí síñá gorí tñi imixiniñí nidíkinimáná íkwiañwí midimidáni niñwiráriniga puñípimi niñweaxa puñagía niwiniri ⁵íkwiañwí áwinimi eñinami dání ápiañwí néra uri ikaxí nira uri akiríwí nira uri yariñagi niwiniri uyíwí wé wíúmi dání waú —Ayí Gorixoyá kwíyí wé wíúmi dání waú api nánirini. Ayí siá íkwiañwí anami símimañímimi ápiáwí wearíñagi niwiniri ⁶íkwiañwí anami símimañímimi bi rawirawániñí imóniñí bi ririmá síñwí winipaxí imóniñipi wenagi niwiniri dñí tñí imóniñí waú waú awa agwí riwámimi síñwíni nirómixa uri rfwí riwámimi nirómixa uri egíáwa áwini e ñwearo íkwiañwínami

midimidáni ηwearo eηagía winiηanigini. ⁷Diñí tñí imóniñí winiñáwa wo raioníniñí imóniñipi —Apí pusí sayí xwérixa mixí yariñipirini. Apíniñí imóniηorini. Ámi wo burimákaúniñí imóniηorini. Ámi wo ámá símimaηániñí iniηorini. Ámi wo apurí nipipika wariñipíniñí imóniηorini. ⁸Awaú awaú awa woni woni iwí wé wúmi dání wo ero wará nipini siηwíni nirómixa ugfiáwarini. Ikwáwiyrani, áriwiyrani, bi píni miwiárf aníñí miní re nira warigiárfini, “Áminá Gorixo, o eñí eániñí ámá woyápi tñi xixeni mimóniηorini. Eñíná dáni ηweari ríná sini ηweari ríwéná aníñí ηweari enforini. Xewini xegí bi imóniηorini. Aga xegí bi imóniηorini. Oyi, aga xegí bi imóniηorini.” ⁹Íníná e nira nuro íkwiaηwí anami ηweaηomi, aníñí imóniηomi seáyí e umero wé íkwiaηwíyo uηwiráriro yayí wiro éaná ¹⁰ámá áminá 24 imónigiá midimidáni éí ηweagiáwa íkwiaηwí anami ηweaηomi nupíkinimearo wigí aminawí síñá gorí tñi imixiniñipi nipíriro xío tñí e nimoauróná re urarigiárfini, ¹¹“Negí Ámináoxi imóniri ηwíáoxi imóniri eηoxini, amipí nñi eñipi imixiηoxi, ayí joxirini. Nipini pípimi dáni maríái, joxi simóniñipimi dánini imóniri apimi dáni eni sini imóniri eñí eηagi náni ámá nñi joxi seáyí e rimero wé íkwiaηwíyo riηwiráriro ‘Eñí wiárf nimúrori eániηoxi, ayí joxirini.’ ririro sipaxoxirini.” rarigiárfini.

Jono bikwí wina nitaminimáná weηagi winiñí nánirini.

5 ¹Íkwiaηwínamí éí ηweaηo wé náú tñi bikwí xopemixiniñí wina — Anami xegí ríwamiñí neániríná íniriwámimi eániri seáyí riwámimi eániri eñinarini. Mixí nirinimáná tamixariñí wé wúmi dání biaú tñi ikiyiñiñiñí yárininiñinarini. Ana íkwiaηwínamí éí ηweaηo íá xiriηagi siηwí niwiniñi ²ámi siηwí winíáyí winiηanigini. Aníñají wo ríaiwá eñí tñi re rariηagi winiηanigini, “Wé róniñí imóniñí go anani bikwí ana tamixiniñipi araríkímí neri paripaxí imónini?” rariηagi winiηanigini. ³O ríaiwá e rariηagi aí anínamí ηweagiáyírfani, xwíárfimi ηweagiáyírfani, xwíárfimi ínimi ηweagiáyírfani, wo bikwí xopemixiniñí ana paripaxírfani, ínimi siηwí winipaxírfani, wo mimónini. ⁴Nioni ámá wé róniñí imóniñí wo bikwí ana nipariri ínimi siηwí winipaxí imóniñí wo náni píá megináriagiá siηwí niwiniñi náni nioni ηwí piyí wírinaríná ⁵áminá e ηweagiáyí wo re niriñinigini, “Joxi ηwí meapani. Aríá ei. Raioníniñí imóniηo —O xiáwo írriηo Judaoyá gwí axírimi dáni eweaηorini. Mixí ináyí Depitoyá xwíá piaxíyo dáni iwiaroηorini. O Gorixo tñi xepixepá niróniro mixí inigiáyo rixa xopirárfi wiηo eηagi náni bikwí anami tamixiniñipi anani araríkímí neri paripaxírfini.” niriñinigini.

Jono sipisipí miá womi winiñí nánirini.

⁶Nioni weníñí éáyí winiηanigini. Sipisipí miá wo —O ámá pikigióniñí imóniηorini. Siwaní wé wúmi dání waú eri siηwí wé wúmi dání waú —

Sijwí api Gorixoyá kwíyí wé wúmi dánj wáu xío xwía nirímini wárinjipi nánirini. Sijwí api aniri enjorini. O ámináyí ákinjá pánaunjáná dijí tñj imónigíá wáu wáu íkwianjwína tñj e midimidáni ηweañaná xewanijo íkwianjwína tñj e éi roñagi winiñanigini. ⁷O nuri bikwí íkwianjwínami ηweañoyá wé náumini xirinína urápáná re enjiginini. ⁸Dijí tñj imónigíá wáu wáu awa tñni áminá 24 e niñweaxa pugíáwa —Awa woni woni kitá íá xiriro íkiá díá ríá yeááná dijí nanj eارينj bi pírerixí sínjá gorí tñni imixinjíyo magwí xearinjijipi —Api ámá Gorixoyá imónigíáyí xwiýá xíomi ririmí wiarigíápirini. Api íá xiriro yarigíáwa tñni sipisipí miaó tñj e nupíkinimearo ⁹soñj sínj bi niriróná re urigíawixini, “Joxi ripikíáná díxí nupeirinijipimi dáni ámá íwí náni gwíniñj ηweagíáyí Gorixoyá imónipíría náni roayíronjirini. E neríná ámá gwí wirí wirí niyoni dáni wíyo roayírori píné míkí xixegíni rarigíá niyoni dánjyí wíyo roayírori wará xixegíni írigíá niyoni dáni wíyo roayírori wí e wí e gwí mónigíá niyoni dáni wíyo roayírori enj enjagi náni bikwí mixí riniñína anani nurápiri tamixininijipi araríkími epaxoxirini. ¹⁰Ámá joxi roayíronjyí negí ηwíáoyá xwioxíyo ηweapíría náni wimixiri xíoyá apaxipániñj imónigíáyí o tñj e anani páwiarigíápa ayí eni páwipaxí imónipíría náni wimixiri éi enjagi náni ayí seáyí e nimóniro xwíá tíyo umenjweapíríarini.” Soñj sínj niriríná e rigíawixini.

Sipisipí miáomi seáyí e umegíá nánirini.

¹¹Nioni ámi weninjé éáyí winiñanigini. Íkwianjwína tñni dijí tñj imónigíá awáu awáu tñni áminá 24 e niñweaxa pugíáwa tñni áwini e ηweañaná añínají dijí nimori íá ropaxí maríái, aga ayá wí dijí mimopaxíyí midimidáni xapixapí nimudímore aga mirónárinjagía niwiniri wigí manj tñni soñj rarinjagía aríá winanigini. ¹²Soñj niriróná enj tñni re rarinjagía aríá winanigini, “Sipisipí miá pikigíó, ámá níni ‘Seáyí e nimóniri neamenjweapaxoxi, ayí joxirini.’ uriro ‘Amipí wí mimúropaxoxi, ayí joxirini.’ uriro ‘Pí pí nijjía enjipi náni dijí aumaúmí inipaxoxi, ayí joxirini.’ uriro ‘Enj wíarí nimúrori eániñoxi, ayí joxirini.’ uriro wé íkwianjwíyo uñwiráriro seáyí émi umero yayí umero epaxorini.” E rarinjagía aríá niwiri ¹³ámi amipí dijí tñj xío imixinjé, añínami ηweagíáyírani, xwíarími ηweagíáyírani, xwíarími ínimi ηweagíáyírani, rawirawáyo ηweañjyírani, pí pí ayo enjipirani, níni soñj niriróná re rarinjagía aríá winanigini, “Íkwianjwínami éi ηweañjo tñni sipisipí miaó tñni seáyí émi umepaxí imóniri wé íkwianjwíyo uñwiráripaxí imóniri seáyí e umíeyoapaxí imóniri seáyí e níneaimóniri neamenjweapaxí imóniri egíwáu enjagi náni aninjé miní e e néra úwanigini.” rarinjagía aríá niwiri ¹⁴dijí tñj imónigíá awáu awáu “Nepa e imóníwinigini.” rayarinjagía aríá niwiri áminá 24 imónigíáyí awáumi nupíkinimearo seáyí e umearinjagía winiñanigini.

Sipisipí miáo bikwínami tamixiniŋípi araríkímí eŋí nánirini.

6 ¹Nioni sipisipí miáo bikwínami tamixiniŋí wé wúmi dánj wau eŋípi bi aríkiagi niwiniríná diŋj tŋj imónigíá wau wau awa wo akiriwiniŋj níríríná “Eini.” rariŋagi aríá niwiri ²weniŋj éáyí wiŋjanigini. Osí apíá weŋj wo wiŋjanigini. Osomi seáyi e xeŋweaŋo éwaikí bá íá nixiriri ŋweaŋagi wiŋjanigini. Aminawj áamá mixí niniríná xopirárí wíomi wiarigíáyí wina omi mini wáná o xopirárí winío yapi nimóniri áamáyo xopirárí wíamiginiri úagi wiŋjanigini.

³Bikwínami tamixiniŋí ámi bi sipisipí miáo aríkiáná diŋj tŋj imónigíá wau wau awa ámi wo “Eini.” rariŋagi aríá niwiríná wiŋjanigini. ⁴Osí ámi wo, ayíá riŋo úagi niwiniri Gorixo xe osomi xeŋweaŋo áamá xwíárfími niwayiróniro awayini ŋweagíáyí mixí níkwínaroro wiwini pipikímí inífrixiniri owíwapiyiniri siŋwí winariŋagi niwiniri e eminiri waríná kirá mixí nání sepiá bá mini wiowárfagi wiŋjanigini.

⁵Bikwínami tamixiniŋí ámi bi aríkiáná diŋj tŋj imónigíá wau wau awa ámi wo “Eini.” rariŋagi aríá niwiríná weniŋj éáyí wiŋjanigini. Osí úrapí pípió oŋj wo wiŋjanigini. Osomi seáyi e xeŋweaŋo áamáyo aiwá onimiápia niwayiri aí niŋwí xwé urirápmí winá nání sikeríá bi íá nixirimáná xeŋweaŋagi wiŋjanigini. ⁶Maŋjipíniŋj imóniŋj bi diŋj tŋj imónigíá wau wau awami áwinimi dání re rariŋagi aríá wiŋjanigini, “Wití aiwá sixí aga onimiáwá nání xegí niŋwí ripi roŋíwáriní. Áamá síá wiyimi omiŋj ríá tŋj neríná niŋwí meariŋigíapi tŋni xixeni imóniŋíwáriní. Barí aiwá sixí aga onimiá wíxaú wá nání xegí niŋwí axípi weni. Joxi wití aiwá tŋni barí aiwá tŋni xwiríá ikixéáná xegí niŋwípi seáyi e imóniníá eŋagi aiwi wainí uraxí tŋni íkiá sogwí girisí imixariŋigíapi tŋni nání niŋwí seáyi e roniginiri xwiríá mikixepani.” rariŋagi aríá wiŋjanigini.

⁷Bikwínami tamixiniŋí ámi bi aríkiáná diŋj tŋj imónigíá yoparo “Eini.” rariŋagi aríá niwiríná ⁸weniŋj éáyí wiŋjanigini. Osí siyó riŋj wo wiŋjanigini. Osomi xeŋweaŋo —O xegí yoí Piyoyi wíriniŋorini. O xeŋweaŋagi wiŋjanigini. Piyiŋj Siwí Aŋjyo Wárariniŋoyi riniŋo nawíni ríwímini nixeŋweámáná wariŋagí wiŋjanigini. Gorixo awau áamá xwíá rirí nírimíni biaú biaú imónigíá bimi nipikiríná xe mixí nání niwíwapiyiri pipikímí eri aiwá nání díwí niwimixiri pipikímí eri simiárfí niwiri pipikímí eri síwí sayí oroaniŋpoyiniri niwimixiri pipikímí eri éisixiniri siŋwí winowárfagi wiŋjanigini.

⁹Bikwínami tamixiniŋí ámi bi aríkiáná nioni weniŋj éáyí wiŋjanigini. Ridiyowá nání íráí noa peyiniŋjyo ínimi áamá xwiýá Gorixoyá wáf urimero Jisaso uréwapiyiniŋjpi aniŋj miní xídiro yariŋagía nání pikigíáyíyá diŋjyí ínimi e yariŋagía wiŋjanigini. ¹⁰Ayí eŋj tŋni re urariŋagía aríá wiŋjanigini, “Ámináoxini, aga xegí bi imóniri nepaxiŋj imóniri eŋoxini, síá araríná sipí neaikáríá xwíáyo ŋweagíáyo pírfí

mumamó neri nene neapikigíá nání ení mimeá neri kikiíá erfárini?” urariŋagía aríá niwiri ¹¹ niyoni womini womini rapirapí apíá wení sepiá wú yínipiri nání mini niwiri re urariŋagi aríá wiŋanigini, “Seyiné bi onimiápi sini weníŋí nero kikiíá ŋweárixini. Seyiné seapikííápa ámá ápo Gorixoyá xináíwáníŋí imóniro segí sérixímeá imóniro egíá wíniyo eni xe pikírixiniri yaiwiŋípi tñi xixeni pikipíríe nání weníŋí neri ŋweárixini.” urariŋagi aríá wiŋanigini.

¹² Bikwínami tamixiníŋí ámi bi aríkiáná weníŋí éáyí wiŋanigini. Poboní ayikwí mé eri sogwí maní pípió wáriri emá xía ayíá niriríná ragí pwaríŋpáníŋí riri ¹³ siní aŋí piriyo dání niriwómioaríná íkiá pikí sogwí sini yóí meŋáná ríwipí kikidimí éáná piéroariŋípa axípi e piérori ¹⁴ aŋí pirí íkwí wináníŋí áwini e naxinowárinimáná midimidání nixopéga uri díwí nñi tñi piríŋwí nñi tñi xámi imóniŋe dání nixoyípiŋa nuri ámi wí e imóniri yariŋagi niwiniri ¹⁵ xwíáyo dání mixí ináyí tñi ámá wíyo seáyí e wimónigíáyí tñi porisíyo seáyí e wimónigíáyí tñi ámá amipí wí mimúrónigíáyí tñi ámá xwérixá imónigíáyí tñi ámá kodireakí nero xináíwáníŋí nimóniri omiŋí wiariŋigíá nñiyí tñi ámá wigí omiŋíni yariŋigíáyí tñi wiwaníŋíŋí sŋá óíyo píni ŋwearo díwí sŋá tñi eŋe yimároními píni ŋwearo yariŋagía wiŋanigini. ¹⁶ E nero díwíyo tñi sŋáyo tñi re urariŋagía wiŋanigini, “Sŋá tiyíné, díwí tiyíné, anani seáyí e neaikwarimoi. Íkwiaŋwínami éí ŋweaŋo sŋwí neaniri sipisipí miáo wikí neaóniŋípi pirí neamamori eniginiri rití neatei. ¹⁷ Sía sipíyí, sía awaú wikí neaónigíí eŋagi nání pirí neamamopisíyí rixa nimónini eŋagi nání rariŋwini. Apimi gone múropaxí imóniŋwini? Oweoi.” rariŋagía aríá wiŋanigini.

Isireriyí 144,000 egíáyo ipiríá eagíá nánirini.

7 ¹ Apí e niwinárimáná aŋínají waú waú xwíá síríwí biaú biaú imoŋí midimidání e éí niroro imiŋí xwíáyorani, rawirawáyorani, íkiá wíyorani, mepa oeniri imiŋí apiaú apiaú imoŋe bariŋípi nipíroro roŋagía niwiniri ² aŋínají ámi wo ipiríá Iŋwíá aŋiŋí siní imóniŋoyá nání ikwíroariŋíŋípi nimaxirimi sogwí wepariŋími dání nipeyiri aŋínají Gorixo xe xwíárí tñi rawirawá tñi xwiríá ikixérixiniri sŋwí winiŋí waú waú awami ení tñi ríaiwá nuriríná ³ áxémá niwiri re uriŋinigini, “None negí Gorixoyá ámá xegí xewaxomi dŋí niwíkwíroro nání xináíwáníŋí nimóniro omiŋí wiariŋigíáyo sini ipiríá mimáyo miweapa eŋáná xámi xwíá tñi rawirawá tñi íkiá tñi xwiríá mikixepa époyí.” urariŋagi aríá niwiri ⁴ ayí ripí eni rinariŋagía aríá wiŋanigini, “Ámá Gorixoyá ipiríá weáíá nñi, 144,000 egíáyí, ayí Isireriyí gwí rirí rirí imónigíá niyoni dáníyírini. ⁵ Xiáwo íriŋo Judaoyárimí dání 12,000 ipiríá earo xiáwo íriŋo Gatoyárimí dání 12,000 ipiríá earo Rubenoyárimí dání 12,000 ipiríá earo ⁶ Asaoyárimí dání 12,000 ipiríá earo Napítaraioyárimí dání 12,000 ipiríá

earo Manasaoyárimi dánji 12,000 ipiríá earo ⁷Simionoyárimi dánji 12,000 ipiríá earo Ripaioyárimi dánji 12,000 ipiríá earo Isakaoyárimi dánji 12,000 ipiríá earo ⁸Seburanoyárimi dánji 12,000 ipiríá earo Josepoyárimi dánji 12,000 ipiríá earo Bejimanoyárimi dánji 12,000 ipiríá earo egíáyí ayí apirini.” rinariñagía aríá wiñanigini.

Ámá íá miropaxí wí Gorixomi yayí wigíá nánirini.

⁹Aríá e niwiárimáná weníñj éáyí winiñanigini. Ámá ayá wí mirónariñagí winiñanigini. Dínji nimori íá ropaxí mimóniñjírini. Ayí ámá gwí xixegíni imónigíá niyoni dánjírini. Gwí wirí wirí xixegíni imónigíáyorani, wará xixegíni íriniñjírani, píné xixegíni rariñjírani, ayo niyoni dánjírí wí axí e nimirónariro rapirapí apíá wení niyínimáná íkwiañwína tñni sipisipí miáo tñni agwíríwámíni tññj e yayí niwiniro nání soná iwí íá nixiriro ¹⁰meanj nírironá ení tñni re rariñagía winiñanigini, “Gorixo, íkwiañwínami éi ñweañj ro tñni sipisipí miá ro tñni yeáyí neayimixemeáíwaurini.” ráná ¹¹íkwiañwína tñni áminá 24 e niñweaxa pugíáwa tñni dññj tññj imónigíá awaú awaú tñni áwini e eñáná aññají midimidáni xapixapí nimudfímore rogiáyí íkwiañwínami símimañjíríwámíni nipíkínimearo Gorixomi yayí numeróná ¹²re rariñagía aríá wiñanigini, “Ripi aga nepa imónini. Negí Gorixo yayí umepaxo imóniri seáyí émi umepaxo imóniri nñni nání dññj aumaúmf inípaxo imóniri yayí wipaxo imóniri weyí umearipaxo imóniri seáyí e nineaimóniri neameñweapaxo imóniri ení sixí eánipaxo imóniri eño eñagí nání aníñj miní íníná e e néra úwanigini. Nepa xixeni e imóníwiniñjini.” rariñagía winiñanigini.

Rapirapí ragí sipisipí miáoyáyo igíá eááyí nánirini.

¹³Síñwí e winaríná áminá e niñweaxa pugíáwa wo re niriñjiniñjini, “Ámá rapirapí apíá wení niyínimáná re rogiá tiyí giyírini? Gimi dání bíáyírini? Joxi niñjírani?” niriñjini ¹⁴nioni re uriñanigini, “Oweoi, ápoxini niñjírini.” uríagí o re niriñjiniñjini, “Ámá tiyí xeaniñj xwíárimi bi tñni xixeni mimóní seáyí e imóniñj wímeanjípimi dání bíáyírini. Wigí rapirapí ragí sipisipí miáoyáyo igíá eááná apíá wení imóniñjírini. ¹⁵Ayínáni Gorixoyá íkwiañwínami símimañjímí dání éi nirooro xegí añj ñwíá riwámí dání ikwáwiyirani, áríwiyirani, Gorixoyá apaxípániñj imónigíáyí wiariñgíápa axípi wiariñgíárini. Íkwiañwínami éi ñweañj aníñj simañwíniñj yeáyí wimixiniñjírini. ¹⁶Ámá tiyí ámi bi agwí nání mepa ero iniñgí nání miwinipa ero sogwí xaíwí miwanipa eri amipí wí wigí waráyo rímmeniñwíniñj miweánipa eri eníárini. ¹⁷Ayí ripi nánirini. Sipisipí miáo, íkwiañwínami áwini e éi roño sipisipíyo xiáwo pírániñj meariñjpa ámá tíyo axípi nimeríná iniñgí simiñj ayí niniríná dññj niyimiñj imónipíri nání tññj e nipemeámi uníárini. Xeaniñj wímeaaríná ñwí eeariñgíápi eni Gorixo síñwirixí nñni kwikwírímí winíárini.” niriñjiniñjini.

Sipisipí miáo bikwiyo tamixiniŋí yoparípi aríkiŋí nánirini.

8 ¹Bikwínami tamixiniŋí yoparípi aríkíaná re imóniagi winiŋanigini. Aŋínami ŋiŋíá nimónáriri bi onimiápi e nemáná eŋáná ²aŋínají Gorixoyá agwíriwámimi rogiá wé wíumi dánjé waú imónigiáwami pékákí wé wíumi dánjé waú wíagi winiŋanigini.

³Aŋínají ámi wo pírerixí síŋá gorí tñi imixiniŋí wina íá nixirimi nibiri íráí síŋá gorí tñi imixiniŋípi tíŋjé e —Api íkwianŋwínami agwíriwámimi oniŋípirini. Api tíŋjé e éí róaná xwiýíá áamá Gorixoyá imónigiá níniyí xíomi ririmi wiarigiápi —Api íráíyo naŋwí ridiyowá yarigiápiŋiŋí weŋípirini. Api tñi nawíni ríá oíkeaáriniri íkiá díá ríá yeáaná dñjé naŋjé eariŋjé xwé bi mini wíagi ⁴aŋínajo e ríá ikeaáraná xegí wéyo dání íkiá díápiyá sinadiŋjé tñi áamá Gorixoyá imónigiá xíomi yariŋjé wigiápi tñi nawíni xío síŋwí aniŋe peyíagi nioni síŋwí niwiniri ⁵aŋínajo pírerixí síŋá gorí tñi imixiniŋína ámi nimeari ríkwamiŋjé íráíyo weŋípi nixeri pírerixínami magwí niyárimáná xwíáyo mamówariniŋigini. Mamówaráná akiriwí riri ikaxí riri ápiaŋwí ókiri poboní eri éagi winiŋanigini.

Aŋínají waú waú pékákí rigiá nánirini.

⁶Aŋínají wé wíumi dánjé waú, pékákí wa tñi xixeni xirigiáwa pékákí raniro náni nimixárimáná ⁷wo iwamió pékákí ráná re eŋiniŋini. Aŋínaíki tñi ríá tñi ragí tñi nawíni xwíáyo piéróaná xwíá níriŋi biaú bi eŋípi bíbimi eŋíyí amipí ríá ninowáriríná ará níni niniri aí íkiá oriwámi dánini nepeáriagi winiŋanigini.

⁸Aŋínají ámi wo pékákí ráná re éagi winiŋanigini. Bi díwí miŋjé xwé ápiáwí weariniŋípiŋiŋi imóniŋípi rawirawáyo mamówarináná rawirawá níni biaú bi imóniŋípi bíbi api nípiŋi ragí imóniri ⁹naŋwí amipí rawirawáyo yariŋíyí níni biaú bi eŋípi bíbi piyí eri ewé amipí rawirawáyo wariŋíyí níni biaú bi eŋípi bíbi xwiríá ikixéniri éagi winiŋanigini.

¹⁰⁻¹¹Aŋínají ámi wo pékákí ráná re éagi winiŋanigini. Siŋjé xwé wo —O xegí yoí Yíki Yariŋoyi riniŋorini. O uyíwí wirí ápiáwí níweriniŋjé aŋínami dání nípiéroríná iniigi weariniŋíyí tñi simiŋjé meariŋíyí tñi níni biaú bi imóniŋíyí bíbimi piéróaná api nípiŋi yíki imóniniŋigini. Áamá iniigi apimi niniróná yíki imóniŋagi náni obaxí péagiá winiŋanigini.

¹²Aŋínají ámi wo pékákí ráná re éagi winiŋanigini. Sogwí píri rakíniri emá píri rakíniri siŋjé píri rakíniri éagi náni ikwáwiýiná biaú bi imóniŋípi bíbimi dání síá niyináriri sogwí manípa eri áriwiýiná biaú bi imóniŋípi bíbimi dání eni síá niyináriri emá tñi siŋjé tñi wíá mókipa eri éagi winiŋanigini.

¹³Nioni ámi weniniŋjé éayí apurí wo aŋjé píriŋami ayá áwiniyo nípuríná eŋjé tñi re rariŋagi aríá wiŋanigini, “Ine, aŋínají awa waú wo yoparowa,

rixa pékákí niriñipi nání imóniñoi. Awa ráná áamá xwíáyo ñweagiáyo wímeanipi nání ine! Ine!” rariñagi aría wiñanigini.

Añínají awaú awaú pékákí nirimáná eñáná ámi wo riñi nánirini.

9 ¹ Añínají pékákí xirigíáyí yoparí waú wo awayá wo pékákí ráná nioni siñí añínami dání piéroní wo xwíámi weñagi niwiniri siñomi siririkí yoparí bi mimóniñíyí nání kípi wíagi ² o nuri siririkí yoparí bi mimóniñíyí íkwíáná re éagi wiñanigini. Siñwiríá ríá xwé bimi roñipimi dání awimíñiñí nitiríná siririkí ayimi dání peyíagi wiñanigini. Peyiáná sogwí íkwapiñí meari agwíñiñí táríñagi nání añí pirí siñáni mepa eri yaríná wiñanigini. ³ Áxwaxí siñwiríá apimi dání peyeamiñíagi wiñanigini. Wáre xwíáyo eñipi sidiñí wariñípa áxwaxí api eni xe wáreñiñí sidiñí opaxí imóníwiniñiniri Gorixo siñwí niwiniri ⁴ áxwaxí apimi ñwí ikaxí re uriníagi wiñanigini, “Ará tñni íkíá tñni amipí sowiniñí imóniñipi tñni niniri kiriñí mipímixipani. E neri aí áamá Gorixoyá mimónipa nero nání xegí ipiríá meánigíáyo anani xwiríá ikixérixini.” uriníagi niwiniri ⁵ áamá ayo xwiríá nikixeríná xe pikírixiniri siñwí miwiní neri ríniñí bi — Ríniñí áxwaxí ayí wiaríñipi wáre ámáyo sidiñí óáná ríniñí winaríñipi, ayí axípiñí imóniñipirini. Ríniñí apini niwia waríná xe emá wé wú núni pwéwiniñiniri siñwí winíagi wiñanigini. ⁶ Áxwaxí api áamá ríniñí ayikwí miwinipa yaríná rixa “Opémíni.” niwimóniro íkíniñí sipí niwimóniro “Arige neríná péminiréini?” niyaiwiro aiwi íná wí niwepaxí imónipiríámani. ⁷ Áxwaxí ayí osí áamá mixí nání nimeámi nuríná níkíniñiñí yimároarigíápa imóniñagiá niwiniri wigí miñíyo aminañwí síñá gorí tñni imixiniñínániñí díkíniro símimaniñí áamá símimaniñí iniro ⁸ wigí díá sepiá apixí wíwayániñí wero wigí siwaní pusí sayí raioníyí riniñíyíyá siwaníniñí wero ⁹ agwíriwámíni níkíniñí kapá tñni imixiniñínániñí ñwiráriniro eñagiá wiñanigini. Íwí wigí nipipika nuróná rariñipi, ayí osí obaxí mixí nání nimeámi nuríná rariñípa riri osí karí obaxí mixí nání níropémi nuríná rariñípa riri yariñagi wiñanigini. ¹⁰ Wigí íkwémiñíyí wáre sidiñí wariñíyíniñí imóniñagi wiñanigini. Ámáyo emá wé wúmi ríniñí wipaxí imónipiríáyí ayí wigí íkwémiñíyo dání sidiñí wariñíyirini. ¹¹ Mixí ináyí áxwaxí ayo seáyí e niwimóniri umeñweajo, ayí añínají siririkí yoparí bi mimóniñíyimi meñweañorini. O xegí yoi Xibiruyí píné tñni níriríná Abadonoyí rariñíorini. Girikiyí píné tñni níriríná Aporiyonoyí rariñíorini. Yoi nípiaúni míkí ayí o irikiariño eñagi nánirini.

¹² Ríwíyo wímeanipi nání “Ine” biaú bi rípi bi rixa api wímeanjo. Biaú apimi ríwíyo imóniñipiaú sinirini.

Añínají awa yoparo tíño pékákí riñi nánirini.

¹³ Añínají pékákí xirigíá awa yoparo tíño pékákí ráná írá síñá gorí tñni imixiniñí Gorixoyá símimaniñimíni oníñipiáyá siwaní biaú biaú tíñí

e dani mañi bi nirinirina ¹⁴ añinaji pekaki ia xirigia yoparo tinjomi re urariñagi aria winjanigini, “Añinaji waú waú iniigi Yupiretisi rapáu tinji e gwí ñweagiáwami wíkweawárei.” urariñagi aria niwiri ¹⁵ añinaji awaú awaú —Awa rixa xwiogwi o imóniri emá o imóniri síá ayi imóniri éaná e érixiniri wimixáriñowarini. Awa nuro áamá xwiá nirimini ñweagiáyi biaú bi imónigiá bimi pipikimí epírfa nani wíkweawáriagi niwiniri ¹⁶ “Áamá mixi nani osíyo xerñweagiáwa ñini nimori íá miropaxi imóniñoi. Níni 200,000,000 imónigiáwarini.” rariñagi aria winjanigini. ¹⁷ Osí tñi seáyi e xerñweagiáyi tñi nioni oriñá niwinirina ripiniñi imóniñagiá winjanigini. Seáyi e xerñweagiáyi níkininjí riáñinjí ayiá riri onagwá weri siyó riri enjýyi imaniro osí minji pusí sayí raionfyi riniñjýyá minjiniñi imóniri osí mañýo dani riá ápiáwí tñi siñwiríá tñi siñá xegí yoí saripái riniñi riá siñi ininjipi tñi kwíyi ori yariñagi siñwí winjanigini. ¹⁸ Riá ápiáwí tñi siñwiríá tñi siñá riá siñi ininjipi tñi osíyýá mañýo dani kwíyi omomí nerfna xeaninjí apiaú api imóniñipimi dani áamá níni biaú bi imónigiá bimi pikiáriaga winjanigini. ¹⁹ Osíyýá sowí sidirñinjí nimónimáná sírfwí sidirí minji imóniñagi nani apimi dani áamáyo pikiarigiá eñagi nani ayí wigí enj eáñinjí áamá pikipaxi imóniñipi mañýo dani imóniri sowíyo dani imóniri eñagi winjanigini. ²⁰ Áamá níni biaú bi imónigiáyo xeaninjí apiaú api niwikáririna bíbiaú mipikífiapiaú re egíawixini. Wigí ñwiá wé tñi imixigiápi peá mimopa nero imíó ñini wíkwíroarigiápi píni miwiáripa ero wigí ñwiá siñá gorí tñi imixiro siripá tñi imixiro kapá tñi imixiro aga siñá tñi imixiro íkiá tñi imixiro yarigiápi —Api wí siñwí aniri aria wiri añi eri miyariñipirini. Api aninjí miní íá nixiriro sími sími e mearigiápi píni miwiáripa egíawixini. ²¹ Wigí pikíxwiríó nera warigiápi tñi ayái nera warigiápi tñi íwi niga warigiápi tñi íwi meamearigiápi tñi api nipini eni ríwimimi mimamogíawixini.

Jono bikwí onimiá bikwí nurápiri niñi nánirini.

10 ¹ Nioni weninjí éayi winjanigini. Añinaji enj sixi eáñinjí ámi wo —O agwí xopixopí róniri xegí minjýo opínagwíá ñkíniri neri xegí símimañi sogwiniñi wía ókiri xegí síkwíyo dani riá ápiáwiniñi weri nemána añinami dani wepinariñagi winjanigini. ² O bikwí onimiá pariniñi bikwí íá nixiriri sisixirí niorina síkwí náú rawirawáyo osaxiri onamijú xwiáyo osaxiri neri niorimána ³ pusí sayí xwérixá raionfyi riniñi awí niririna ayá wí yaiwiámí márariniñi eñi tñi nirimána eñána akiriwí wé wíumi ñanjí waú rayigiáwixini. ⁴ Akiriwí wé wíumi ñanjí waú api nirayimána eñána nioni rixa ríwamini eáminiri yarina xwiýiá añinami dani re rinénañagi aria winjanigini, “Xwiýiá akiriwí wé wíumi ñanjí waú api niririna riápi ríwamini meapa neri ínimi áya eaárei.” rinénañagi aria niwiri ⁵ añinaji síkwí sisixirí niorina rawirawáyo osaxiri xwiáyo osaxiri eñagi winíáo wé náú nimíeyoari añinami nimixiri ⁶ siñá womi ñaniñinjí

niriríná aníñí íníná ηweaño tññí e dání —O ańña imixiri amípí nńni e eńyí imixiri eri xwíarı imixiri amípí nńni e eńyí imixiri eri rawirawá imixiri amípí nńni e eńyí imixiri eri eńorini. O tññí e dánńniñí ańñajo re rariñagi winiñanigini, “Gorixo ‘E éimigini. E éimigini.’ yaiwiáriñípi sini yómiñí wí nenimeniñoi. ⁷Ańñají pékákí íá xirigíáyí yoparo pékákí riníápi tññíná Gorixo eńíná dání ññí neñwiperi yumí ññí ‘E éimigini. E éimigini.’ yaiwiáriñí xegí wíá rókiamoagíawami —Awa xegí xináíwániñí nimóniro omiñí wiiagíawarini. Awami áwaní uríñípi tńni xixeni axípi neníáriní.” Ańñajo e rariñagi niwiniri ⁸mañí ańñami dání rinénapiñagi aría wíápi ámi niriniríná re rinénapariñagi aría wiñanigini, “Joxi nuri ańñají sisixirí nroríná rawirawáyo osaxiri xwíáyo osaxiri neri roñomi bikwí pariniñí íá xiriñípi kwí urápei.” rinénapariñagi aría niwiri ⁹nioni nuri ańñajomi “Bikwí onimiápi kwí niapei.” uríagi o re niriniginini, “Joxi ninirápiri nei. Niniríná mañíyo awí píkí iniigíñiñí nisiri aiwi agwíyo dání ayí yíkí riduniniñoi.” niríagi ¹⁰nioni bikwí onimiápi kwí nurápiri niniríná gí mañíyo ayí awí píkí iniigíñiñí nřagi aiwi ninowárimáná eńáná gí agwíyo dání yíkí niduníagi ¹¹awa re nirigíawixini, “Amípí ámá gwí wirí wirí obaxí imónigíáyo wímeari ámá axí e gwí mónigíá obaxíyo wímeari xwi yíá míkí xegí bi xegí bi rariñá obaxíyo wímeari mixí ináyí obaxíyo wímeari eníápi nání ámi wíá rókiamoi.” nirigíawixini.

Gorixo imóniñípi nání míkí imónipisíwau nánirini.

11 ¹Iwamíó yariñá xoyíwániñí imóniñí wá niniapiri re niriniginini, “Joxi niwiápinimeari ańí Gorixonini nání ridiyowá yariñíwami xoyíwá awá tńni iwamíó e e néra uri ridiyowá nání íráí oniñpimi iwamíó eri ámá nibiro Gorixonini yayí nimeariñíáyo íá rirómí eri ei. ²Ridiyowá yariñíwami wáfwami ‘Xe oeni.’ niyaiwiri iwamíó mepani. Ámá gwí xewíyí wígí ññí tńni xe érixiniri siñwí winíá eñagi nání iwamíó mepani. Wígí ññí tńni neróná emá 42 pwearíná ańí ηwíápimi xórórí nero sipí wikáripíríáriní. ³Sipí wikáraríná gí ámá nioni imóniñápi nání míkí imónigíwau xe wíá urókiamopaxí oimónipi yiniri siñwí wináná awau okiyíá wí miní beki wú nikíkiyinimáná síá 1,260 imóniñíyí —Síá ayí emá 42 nání xixeni imónini. Síá ayí pwearíná ámá wígí íwí néra warigíápi ríwímimi omamópoyiniri wíá urókiamopisíriní.” niriniginini. ⁴Awau íkíá oripíyí riniñí wau tńni íkwianñwí uyíwí íkwíáripíríá nání winíxau tńni símimañí Gorixoyá —O xwíá niyoni nání Áminá imóniñorini. Oyá símimañímimi roñípi yapi imónigíwaurini. ⁵Ámá awau tńni mixí inariñíyí awaúmi sipí wikáraniri nerínáyí, awaúyá mañíyo dání ríá ápiáwí nipeyari ayo ríá niníáriní. “Awaúmi sipí owikáraneyí.” yaiwíá giyí giyo ríá apimi dání aga nipíkispisíriní. ⁶Emá awau wíá urókiamoarigíyó iniá meapa oeniri ańí pirínami yeáyí yimixáripaxí imóniri iniigí ragí imónini nání imixipaxí imóniri gíni gíná “Xwíáyo

ñweagiáyo e owikáraiyei.” wimóníná anani egí ñiñí tñi xeaniñí ayí ayí nñi wikáripaxí imóniri neri 7xwiyíá Gorixo wía rókiamóisixiniri uriniñipi tñi xixeni rixa nurárimáná enjáná nañwí mixí yariñí siririkí yoparí bi mimóniñiyimi dání peyeañío awaú tñi mixí niniro awaúmi xopirárfí niwiri pikiníárfini. 8Pikíáná piyowaú añí xwé apimi —Añí egí Ámináomi eni yekwiroárigíápi nání rariñini. Añí api nání niriríná rasí niriro Sodomiyi riro Isipiyi riro yariñíápirini. Añí xwé apimi awaú óí e piyí opisírfini. 9-10E piyí weñáná síá wiyau wiyi nórirí ámi wiyi óriminiri yariná áamá wará xixegíni írro egíáyo ñiñí tñi gwí wirí wirí imónigíáyo ñiñí tñi píné xixegíni rariñíáyo ñiñí tñi gwí bi bi mónigíáyo ñiñí tñi nibimiro xe piyowaúmi xwíá oweyárfipoyiniri siñwí miwinipa nero siñwí niwinayiro wía rókiamóifwaú, áamá xwíáyo ñweagiáyo riniñí ayikwí niwia múfíwau rixa péagíi nání ayí yayí seáyimi dání néra upiríárfini. E neróná aiwá xwé nimixiro niga uro wigí áamáyí yayí owiniri amipí nañíyí aníá yañí iniro néra waríná 11 rixa síá wiyau wiyi nórimáná wiyíjimi áwini e dání re eniñigini. Gorixo xíomi dání ámi awaúmi ñiñí sixí uyáráná awaú ámi siñí neri éí rofísisixini. Éí róáná áamá awaúmi siñwí winayariñíáyí ñiñí niyága nuro wáyí ayikwí miwinaríná 12 awaú xwiyíá bi añínami dání ení tñi re rinénañíagi aríá wigísisixini, “Awagwí re nání yapípiyi.” Aríá e niwiri agwí tñi añínami nání peyariñagíi awaú tñi mixí inigíáyí siñwí winowáraná 13 axíná re eniñigini. Poboní xwíá yaiwiámí eniñigini. Xwíá yaiwiámí éáná añí añí apimi miriniñí wé wúkaú imóniñipi bi nipini pinanowiri áamá e ñweagiá eni 7,000 penowiro éagía añí apimi ñweagiá mipéíáyí ení óí nikáriniro Ñwíá añínami ñweañomi seáyi e numeróná “Ení eániñoxi, ayí joxirini.” urariñagía winiñanigini. Nioni oriñá niwiniríná e winiñanigini.

14Ríwíyo wímeanípi nání “Ine” biaú bi ríípi áwini e enípi rixa api imónigoí. Apimi ríwíyo imóninípi añíni imóniniñoi.

Añínají pékákí xirigíá yoparo pékákí riñí nánirini.

15Añínají pékákí xirigíá wé wíumi ñiñí wáú imónigíáwa yoparo pékákí ráná añínami dání mañí obaxí ení tñi re niriga wariñagi aríá wiñanigini, “Xwíárfimi meñweapaxí nání imóniñipi sini wíyíyá maríái, rixa negí Ámináo tñi xegí áamá nene yeáyí neayimixemeanía nání oyá ñiñí tñi aríowayá xwíá piaxíyo dání iwiaronífoyi rariñwáo tñi awaúyápinirini. O wí aníá mimóní añiñí íníná niñweari meñweaníárfini.” niriga wariñagi aríá niwiri 16ámá áminá 24 Gorixo tñí e íkwianñwíyo éí niñwearo xapixapí niñweaxa pugíáwa wigí símimañímini nipíkínimearo Gorixomi yayí numeróná 17re urariñagía aríá wiñanigini, “Áminá Gorixoxini, ení sixí eániñgíá niyoni seáyi e wimóniñoxini, ríná ñweari eníáná dání añiñí ñweari enoxini, joxi eníáná dání ení sixí eániñí néra bagípi tñi rixa xixeni neri xwíárfimi iwamíó meñweañagi nání none

yayí siariñwini. ¹⁸Ámá gwí bi bi mónigíá níni joxi nání wikí niróniro ‘Omi ínimi wí wuríaniméwini.’ yaiwiágíá aiwi joxi ayo wikí wóniñipi wíwapiyiríná rixa nimóniniñoi. Ríná ámá pegíáyo xwirixí numeri eyeyírómi wirínáriní. Ríná wía rókiamoarigíá, dixí rináiwániñí nimóniro omiñí siarigíáyo yayí niwimori ‘Api wíimigini.’ yaiwiñipi miní wiri ámá dixí imónigíá joxi nání wáyí nisiro pírániñí xídarigíá, siyikwíniñí imónigíáyorani, xwéniñí imónigíáyorani, ayo eni yayí niwimori ‘Api wíimigini.’ yaiwiñipi miní wiri ámá xwíárimí xwiríá ikixearigíáyo xwiríá wikixeri eríná, ayí rixa rínáriní.” rariñagíá aríá niwiri winiñanigini. ¹⁹Gorixoyá añí ñwíá añinami eñiwá íkwíniri bokisí xwiýíá Gorixo eñíná réoroñiñipi nání imixiniñíwá añí iwámi dání siñáni imóniri éaná re eñinigini. Apiñwí ókímixayiri ikaxí rayiri akiriwí rayiri poboní eri añínaíki ayá wí eri éagi winiñanigini.

Ekíyiniñí iwí wo iniñipi tñni apixí wí iniñipi tñni nánirini.

12 ¹Ekíyiniñí añí píriyo ayá síwí ropaxí bi niniríná ripi imóniñinigini. Apixí wí —Í sogwo rapirapíniñí yíniri xegí síkwí emáomi ikwiárirí aminañwí siñí wé wúkaú síkwí waú tñí díkíniri nemáná ²níawí agwí eñírini. Í níawí xirimíniri nání siñwí wanariñagi ríniñí ayíkwí miwinariñagi nání “Añni oxirimini.” niyaiwiri “yeyi” riñinigini.

³Ekíyiniñí ámi bi añí píriyo niniríná ripi imóniñinigini. Iwí ayíá riñí xwé wo —O miñí wé wíumi dání waú imori siwaní wé wúkaú miñíyo dání rémówapiri dirí mixí ináyí díkínarigíá imóniñí wé wíumi dání waú miñíyo xixeni nidíkíga uri eñorini. O añí píriyo e siñáni nimóniri re eñinigini. ⁴Siñí biaú bi egíá bimi xegí sowí tñni añinami dání aírairómi énapáná xwíáyo píerínowiñinigini. E nemáná iwí xwéo “Apixí níawí xirimíniri yariñí rixa níawí xiráná oroanimini.” niyaiwiri ími agwíriwámíni uroñáná ⁵í níawí oxí womi —O ainixí wá íá níxiriri ámá gwí bi bi mónigíá niyoni umeñweanía nání imóniri xwiýíá xíoyápimi mimúropaxí imóniri eníorini. Omi í xiriñinigini. Níawí omi níxirimáná eñáná íwo Gorixoyá diñí tñni xío íkwianwínami ñweañe nání nipeyiri ñweañáná ⁶apixí ámá diñí meaní e nání éí uñinigini. Gorixo í e nání éí nuri ñweáwiniginiri aniñni wimixiyáriñe nání nuri ñweañáná aiwá niwiro pírániñí mearíná síá 1,260 nóra uñinigini.

⁷Añinami dání mixí ninowiápiróná añínají Maikoroyi riniño tñni xegí añínajowa tñni midáni nirómáná iwí xwéo tñni mixí niniróná iwo eni añínají xíomi xídarigíáwa tñni midáni nirómáná mixí niniro aí ⁸iwowa eñí miweánipa nero nání sini añinami ñweapaxí mimóniñagíá nání ⁹Maikorowa iwomi mamówárenapigíawixini. Sidiro eñíná dání oboyi riro Setenoyi riro egío, ayí orini. Ámá xwíáyo ñweagíá níni íwí oépayiniri yapí niwíwapiya wariño, ayí orini. Omi xwíáyo nání mamówárenapiro añínají omi níxídiro yariñíawami mamówárenapiro éagíá ¹⁰nioni

aríá wíáyí aŋŋnami dáni xwiyíá bi eŋí tŋni re rinénapariŋagi aríá wiŋanigini, “Gorixo eŋí eániŋí xío imóniŋipi tŋni eri áamá xíoyá imóniŋíyo yeáyí uyimixemeari mixí ináyí yapi nimóniri xwioxíyo mimeámí neri umerŋweari eni rixa agwirini. Yeáyí uyimixemeanía náni oyá diŋí tŋni aríowayá xwíá piaxíyo dáni iwiaroŋo, o xegí néní tŋŋo nimóniriŋíyo dáni áamá xwíáyo ŋweagíáyo wíwapiyini rixa agwirini. Ayí ripi nánirini. Jisasomi diŋí niwikwiroro náni xexíxexirímeá imónigíáyo xwiyíá uxekwímoayariŋomi —O negí Gorixoyá siŋwíyo dáni ikwáwiyirani, árwíyirani, xwiyíá uxekwímoayariŋorini. Omi rixa xwíáyo mamówáríáŋini. ¹¹ Negí níríxímeáyí ‘Sipisipí miáo nene yeáyí neayimixemeanía náni neapeiŋíríani?’ niyaiwiro ragí oyáyo igíániŋí eániro o náni xwiyíá wáí uriyiro neriŋíyo dáni obomi xopirári wíáŋini. Ayí omi xopirári niwiríná wiwaníŋíyí wá mumixini ‘Wa nene Jisasomi xidaríagwi náni nineapikiróná ayí anini xe oneapikípoi.’ niyaiwiro xídígíáŋini. ¹² Ayináni aŋí rinaxi tŋni re ŋweagíáŋíne tŋni diŋí niá oseainini. E neri aí xwíáŋí tŋni rawirawáxí tŋni ine! Obo xwíáŋí seŋíne tŋŋí e náni rixa wéí eŋagi náni rariŋini. O ‘Aŋiŋí xwíáŋí niŋweámáná epaxonimani. Re eni píŋí nírakipíri aŋwi ayoríani?’ niyaiwiri náni xegí wikí nóniri seainípi ríá ápiáwíniŋí imóniŋagi náni ine!” Xwiyíá aŋŋnami dáni e rinénapariŋagi aríá wiŋanigini.

¹³ Iwí xwéó “Rixa xwíáŋími rinimamówárenapáoi?” niyaiwiri apixí niaíwí oxo xiríŋími mixí eaaxídíŋini. ¹⁴ Mixí eaaxídíŋí aí apixí áamá diŋí meaníyo xíí náni wimixiyáŋiŋe náni niŋipika ouniri nabíŋináo iwí winíxáú ími uŋwiráráná í sidiro tŋŋí e pŋni niwíáŋími niŋipika nuri e ŋweaŋáná xwíogwí wáú wo nimúrori ámi wo áwini e imóníe náni aiwá niwiro pírániŋí megiáwixini. ¹⁵ Sidiro iniigí xegí maŋíyo dáni peyeáú iniigí waxíniŋí númi nuri ími nixemi niweri opikiniri imixowáŋíagi aí ¹⁶ xwíáŋí apixími arirá niwiríná re eŋinigini. Iniigí waxí iwí xwéó apixími opikiniri xwiríá dowáŋí xwíáŋí xegí maŋí nexoari niŋinigini. ¹⁷⁻¹⁸ Iwo siŋwí e niwiniri apixí náni wikí ríá ápiáwíniŋí niwóniri náni niaíwí apixí í xiriŋí wíniyo mixí wiminiri uŋinigini. Ayí áamá sekaxí Gorixo uriŋípi xídiro xwiyíá Jisaso náni riŋípi diŋí íá xiriŋí yariŋíyí eŋagi náni ayo mixí wiminiri náni nuri rawirawáyo imaŋí e éí roáriŋinigini.

Naŋwí mixí yariŋí rawirawáyo dáni íwiapiŋo nánirini.

13 ¹ Nioni naŋwí mixí yariŋí wo rawirawáyo dáni íwiapariŋagi niwiniri o siwaní wé wúkaú rémówapíri miŋí wé wíúmi dání wáú imori eŋo xegí siwaní wé wúkaú apimi wámíni wámíni díŋí mixí ináyí díŋinarigíápi nídíŋíga uri xegí miŋí wé wíúmi dání wáú apimi womíni womíni yoí Gorixomi ikayíwí umeararigíápi ríwamiŋí niŋwiráŋiga uri eŋagi winiŋanigini. ² Naŋwí mixí yariŋí nioni siŋwí winíáo pusí sayí papearixí imóniŋí repatíyí riniŋíyíniŋí imóniri xegí síkwí ayí

naŋwí beyái riniñíyíyápníniñí imóniri xegí mañí ayí pusí sayí raioníyí riniñíyíyániñí imóniri eñorini. Iwí xwéo naŋwí mixí yariño xío tñni xixeni oimóniri siñwí niwiniri nání eñí eániñí xío yariñípi sixí umímori xío ámáyo seáyi e niwimóniri umeñweaariñípa axípi oimóniri wimixiri xío néní tññí seáyi e imóniñípi axípi oimóniri wimixiri eñorini. ³ Miñí wiyimi miñí roǵá igí ayí nipikipaxí roǵániñí imóniñagi winiñanigini. Ámá xwíá nirímíni ñweagíáyí “Naŋwo arige neri siñí eñírfani?” niyaiwiro o nání ududí niwiniróná nixídiro ⁴ iwo naŋwomi xío néní tññí imóniñípi axípi wimixí eñagi nání xíomi seáyi e numero naŋwomi ení axípi seáyi e numeróná re nira ugíawixini, “Naŋwo tñni go xixeni imónini? O tñni go mixí xixe inipaxí imónini?” nira ugíawixini. ⁵ Gorixo naŋwo xegí diñí tñni xe mañí niyoámori weyí nimeniri ikayíwí ninimeara úwiniginiri siñwí winiri emá 42 múroaríná api ení nání néní tññóniñí nimóniri éwiniginiri siñwí winiri éagi ⁶ o re eñinigini. Mañí niyoámori Gorixo nání ikayíwí nimeariríná oyá yoíyo ikayíwí meariri añí ñwíá oyáiwá nání ikayíwí meariri añínami ñweagíáyí nání ikayíwí meariri eñinigini. ⁷ Gorixo ámá xíoyá imónigíáyo naŋwo xe mixí niwiri xopirárí wíwiniginiri siñwí winiri xe néní tññóniñí nimóniri ámá gwí wirí wirí niyoni tñni wará xixegíni írigíá niyoni tñni píné xixegíni rarigíá niyoni tñni gwí bi bi mónigíá niyoni tñni ayo seáyi e wimóníwiniginiri siñwí winiri eñinigini. ⁸ Ayináni ámá xwíáyo ñweagíáyí nñni —Ámá eñíná Gorixo xwíárí imixiñíná dání wigí yoí íkwí diñí niyimiñí meapíría nání ñwiráriníñínami —Ana sipisipí pikigíoyánarini. Anami yoí ñwiráriníñíyí maríái, ámá yoí miñwiráriníñíyí naŋwo nene nání yayí owiniri seáyi e umepríárini.

⁹ Ámá aríá tígíáyíné eñánáyí, aríá ókiarí mónípoi. ¹⁰ Ámá Gorixo “Xe gwí uyírixini.” wiaiwiñí go go apimi wí múropaxí imóniniámami. Ámá “Kirá tñni xe pikírixini.” wiaiwiñí go go apimi wí múropaxí imóniniámami. Api imónánáyí, Gorixoyá imónigíáyíné segí diñí wikwíroarigíápi pñni miwiárí aniñí miní xwámámí niwía úfrixini.

Naŋwí xwíáyo dání íwiapiño nánirini.

¹¹ Nioni naŋwí ámi wo xwíáyo dání íwiapariñagi niwiniri o sipisipí miá miñíyo dání siwaní wiyáú rémoariñípa rémori xegí xwiýíá niriríná iwí xwiýíá rariñípa riri yariñagi winiñanigini. ¹² O naŋwí xámi íwiapiñoýá néní imóniñí nipimíni dání niwiiríná ámá xwíáyo ñweagíá nñni naŋwí xámi íwiapiño, igí nipikipaxí weñomi nupíkínimearo seáyi e umepoyiniri mírákwíkwí wiaxídiri ¹³ emimí ayá riwamónipaxí xixegíni bi eri neríná ámá siñwí anigíe dání oyá diñí tñni ríá wearíñí bi aí añínami dání xwíáyo piérónapayariñípi tñni yapí wíwapiyariñirini. ¹⁴ E neríná emimí Gorixo naŋwí wíoyá néní tññí imóniñípimi dání xe wíwapiyipaxí oimóniri siñwí winíñipimi dání ámá xwíáyo ñweagíáyo yapí niwíwapiyiri re urariñirini,

“Xwíáyo ŋweagíáyíné xopaikigí naŋwí miŋí rogiá ámi siŋí imóniŋóniŋí imóniŋí bi nimixiro éí uráráripoyi.” urariŋí eŋagi náni ¹⁵ ayí e éáná naŋwí ríwíyo íwiapiŋo xopaikigí imóniŋipi nimeari siŋí oeniri símí óíyo dání pírámí wíáná siŋí imóniŋinigiŋi. Gorixo naŋwí xwíáyo dání íwiapiŋo xegí wóniŋí xopaikigí imóniŋípimi símí óíyo dání pírámí wípimi dání xe siŋí nimóniri xwiyíá riri ámá xébimi xómiŋí niyikwiro seáyi e mumearigíáyo opikípoyniri riri epaxí imóníwiniginiri siŋwí winiŋí eŋagi náni e imóniŋinigiŋi. ¹⁶ Naŋwí xwíáyo dání íwiapiŋo e nemáná xíoyá maŋíyo dání ámá niyoni siyikwíniŋí imónigíapiamirani, mamadírixamirani, ámá amipí wí mimúrónigíáyorani, uyípeayí imónigíáyorani, ámá xináfáwaniŋí nimóniro omiŋí wiarigíáyorani, wiwini meŋweánigíáyorani, ayo niyoni ipiríá nearíná wíyo wé náumi earo wíyo mimáyo earo egíawixini. ¹⁷ E neríŋíyo dání ámá ipiríá naŋwoyá yoí tñirani, nabá xíoyá yoípirani, xixeni imóniŋípirani, meánigíáyí aiwá nipíri náni bí ero aiwá nigwí meapíri náni bí ero epaxí mimónipa egíawixini. Ipiríá eánigíáyíni anani bí epaxí imónigíawixini. ¹⁸ Íá roarigíáyíné, seyíné pírániŋí diŋí neŋwiperínáyí, re éfrixini. Nabá naŋwí oyá yoí tñi xixeni imóniŋípi, ayí ámá wo náni riniŋagi náni ámá diŋí íá xirigíá giyí giyíné, nabá oyá yoí nánipi pírániŋí íá rófrixini. Nabá oyá yoí náni riniŋípi, ayí 666 apirini.

Ámá 144,000 imónigíápi nánirini.

14 ¹ Nioni weniŋí éáyí winiŋanigiŋi. Sipisipí miáo díwí miŋí Saoniyí riniŋípimi éí roŋagi siŋwí niwiniri ámá 144,000 imónigíáyí —Ayí yoí xíoyá tñi xanoyá tñi ríwamiŋí mimáyo eánigíáyíriŋi. Ayí o tñi nawíni éí roŋagía niwiniri ² aríá wíáyí wiŋanigiŋi. Aŋínami dání ikaxí bi niriniríná ikaxí iniigí iyakwí obaxí nidiroríná rariŋípa riri akiriwí eŋí tñi niriníná rariŋípa riri ikaxí ámá kitá eaarigíáyí kitá eariná rariŋípa riri yariŋagi aríá wiŋanigiŋi. ³ Gorixoyá íkwiaŋwína tñi diŋí tñí imónigíá waú waú awa tñi áminá ²⁴ e niŋweaxa pugíáwa tñi wigí símimaŋíríwámíni ámá 144,000 ayí éí nirómáná soŋí siŋí bi rariŋagía aríá wiŋanigiŋi. Soŋí rariŋigíá api ámá xwíáyo dání wí nijíá imónipaxí menini. E dání 144,000 imónigíá xío nupeiriŋípimi dání gwíniŋí uroyíroŋíyíni anani nijíá nimóniri ripaxíriŋi. ⁴ Ámá apixí tñi íwí minipa nero piaxí miweánarigíápa ayí eni ŋwíápi sini íá mixirarigíá eŋagi náni Gorixoyá siŋwíyo dání piaxí miweánarigíáyíriŋi. Sini apixí tñi memegíáyíriŋi. Sipisipí miáo gimi gimi úmí anani númí xídarigíáyíriŋi. Ámá niyoni dání gwíniŋí Gorixo roayíroŋíyí xío náni tñi sipisipí miáo náni tñi aiwá niwákwiníniŋí imóniŋíyíriŋi. ⁵ Yapí niriŋo xwiyíá óí e rarigíáyímani. Raminigíáyíriŋi. Xwiyíá bi xímeapaxíyímani.

Aŋínají waú wo xwiyíá rigíá nánirini.

⁶ Aŋínají ámi wo aŋí pírfyo ayá áwinimi nipipika wariŋagi winiŋanigiŋi. O ámá xwíáyo ŋweagíáyo gwí wirí wirí imónigíá niyoni

tíni píné xixegíni rarigíá niyoni tíni wará xixegíni inigíá niyoni tíni ayo niyoni xwiýá aríá niwiríná yayí winipaxípi —Api aníñj rináriníápirini. Api wáí urini náni tíñorini. 7O enj tíni re riñinigini, “Gorixo, anína imixiri xwíarí imixiri rawirawá imixiri iniigí simiñyí imixiri eno áma niyoni eyeyírómi eniná rixa ríná enjagi náni omi wáyí wiro seáyi e umíeyoaro o nene náni yayí owiniri seáyi e umero érixini.” Anínajo nipípika nipuríná e rariñagi winiñanigini.

⁸Anínají ámi wo ríwíyo anj píryó áwinimi nipípika nipuríná re nira puñinigini, “Anj xwé Babironiyi riniñipi rixa xwiríá ikixenárinini. Oyi, rixa xwiríá ikixenárinini. Ámá wí wíyo papikí oépyoiniri iniigí wainí mini níwiro wíwapiyarigíápa anj api eni íwí xébi inariñípa gwí bi bi mónigíá níni eni íwí axípi oinípyoiniri wíwapiyiñipirini.” nira pwarinagi winiñanigini.

⁹Anínají awaúmi ámi ríwíyo wo nipuríná enj tíni re nira puñinigini, “Ámá nanwo tíni óniñj xopaikigí imixiniñipi tíni awaú nene náni yayí owininiri xómiñj niyikwiro seáyi e umero ipiríá oyá mimáyorani, wéyorani, eániro yarigíá giyí giyí ¹⁰wikí Gorixo aga ayikwí miwóniñipi wí múropíríamani. Iniigí wainí mixí yariñipíniñj nipíríarini. Wainí oyápi, ayí mixí bi onimiápi éwiniginiri aga iniigí tíni gwiaumí neri yiniñipi maríái, wainí api mixí ayikwí mepa éwiniginiri iniigí tíni gwiaumí mé wainí aínini sixí oyá wikí óniñjiniñj imóniñiwámi íniñipirini. Ámá ayí wainí api niniríniñj neróná re epíríarini. Anínají Gorixoyáowa tíni sipisipí miáo tíni awa siñwí winiñáná ríniñj síñá saripái riniñipimi dáni tíni ríá ápiáwí weariniñipimi dáni tíni xaíwí níwiniri mimeniñwí nura uníarini. ¹¹Ríá mimeniñwí urariñipimi dáni siñwiríá peyariñipi aga ná ríwíyo dáni aí píni bi miwiári aníñj miní peyaríná ámá ayí ikwáwiyirani, áriwiyirani, bi kikiáá ñweapíríá menini. Ámá nanwo tíni óniñj xopaikigí imixiniñipi tíni awaú nene náni yayí owininiri xómiñj niyikwiro seáyi e umero ipiríá xegí yoí náni eániro yarigíáyí e epíríarini.” Anínajo api e nira pwarinagi winiñanigini.

¹²Ámá Gorixoyá imónigíá xwámámí níwia warigíáyí re epíríarini. Sekaxí o riñipi xaíwí íá xiriro Jisasomi diñj wikwíroarigíápi xaíwí íá xiriro epíríarini.

¹³Nioni anínami dáni xwiýá bi re rinénaparinagi aríá wiñanigini, “Joxi re níri ri ríwamiñj eai, ‘Ámá Gorixo tíni ikárinigíá ríná dáni nipéa upíríáyí oyápiimi dáni yayí winipaxírini. Kwíyípi eni re rarini, “Oyi, yayí owinini. Niperíná Jisasomi níxídiro náni ríwí nírikwíniri neriñipimi dáni wará sanj wunariñipimi dáni gwíniñj níkwéaniri kikiáá epíríá enjagi náni yayí owinini. Niperíná wé róniñj imóniñj wiwaniñyí néra ugíá aníá wí mimóní Gorixo yayí wimoníá náni sini nimóniníá enjagi náni anani kikiáá epaxírini.” Kwíyípi eni e rarini.’ níri ri ríwamiñj eai.” rinénaparinagi aríá wiñanigini.

Xwíárimí aiwániŋí mipíríná nánirini.

¹⁴Nioni weniŋí éáyí winiŋanigini. Agwí apía weŋípimi siŋwí niwiniri ámániŋí imóniŋí wo apimi seáyí e éí xeŋweaŋagi niwiniri o aminanŋí síŋá gorí tñi imixiniŋí wina miŋíyo dŋkíniri kirá witi aiwá wákwiariŋíá ŋwá xaŋwí yiniŋí bá íá xiriri nemáná ŋweaŋagi winiŋanigini. ¹⁵Ámi aŋínají wo aŋí ŋwáiwámi dáni níwipiri agwípimi éí xeŋweaŋomi ráiwaí eŋí tñi re uríagi winiŋanigini, “Aiwá xwíárimí dánŋí nñi rixa yóirini. Rixa nimipaxíná ríná eŋagi náni dixí kirápá tñi miŋí niwákwiiri mi.” uríagi ¹⁶agwípimi éí xeŋweaŋo xegí kirá xwíárimí seáyí e puwíárauíyí nñi wiáí wákwiŋmoniŋigini.

¹⁷Ámi aŋínají wo aŋí ŋwáí aŋínami eŋiwámi dáni íwipariŋagi niwiniri o ení kirá ŋwá yiniŋí bá íá nimaxirimi íwipariŋagi winiŋanigini. ¹⁸Ámi aŋínají wo —O ría weariniŋipimi xiáworini. O ridiyowá yariŋíá náni íráí oniŋípi tñí e dáni níwipiri aŋínají kirá ŋwá yiniŋípa íá xiriŋomi ráiwaí eŋí tñi nuriri re uriŋinigini, “Xwíárimí wainí uraxí sogwí rixa níáí eŋagi náni dixí kirá ŋwá yiniŋípa tñi wiwákwiímí neri awí eámeámí ei.” uríagi ¹⁹aŋínajo xegí kirápá tñi wainí uraxí xwíáyo eŋíyí wiwákwiímí neri awí neaárimáná xoyikímí epíri náni síŋá íkwiaŋwí xwé eapínariŋínami —Ana, ayí píri Gorixo aga wikí niwóniri náni umamoníápi náni imóniŋínarini. Anami xoyikímí epíri náni mimeámí yáraná ²⁰aŋípimi bíariwámini síŋá íkwiaŋwínami xoyikímí yaríná ragí anami dáni nipuríná waxíniŋí niweri niróga niwíápinimeari osíyíyá maŋí tñi xixeni róniri ná mími waxí niweri 300 kiromita wiáí múrori eŋinigini.

Aŋínají wé wúmi dánŋí waúmi pírerixí xixeni wiŋí nánirini.

15 ¹Nioni ekiyiniŋí aŋínami dáni ámi bí iníagi siŋwí winiŋanigini. Api seáyí e imóniri dñí niyága upaxí imóniri eŋípíri. Aŋínají wé wúmi dánŋí waú ámáyo xeaniŋí aga ría tñí wikáripírípíri. Api wikáraríná Gorixo xegí wikí óniŋípi niyopiáriníá eŋagi náni ayí xeaniŋí yoparípíri. Api aŋínají wé wúmi dánŋí waú tígíawami niwiniríná weniŋí éáyí winiŋanigini. ²Rawirawániŋí imóniŋí girasíniŋí ririmá óniŋípi ría tñi gwiaumí niniri riwoŋagi niwiniri ámá naŋwoyá xopaikigí imixiniŋípimi seáyí e mumeŋa ero oyá ipíríá xe oneaeaniŋí miwiniŋa ero neriŋípimi dáni xopirárí egíáyí kitá Gorixo wiŋíyí íá nixirimáná ririmá óniŋípimi seáyí e roŋagía winiŋanigini. ³Ayí soŋí niriŋo Moseso, Gorixomi xináiniŋí nimóniri omiŋí wiiago répeŋípi riro sipisipí miáoyápi riro neróná soŋí re rigíawixini, “Áminá Gorixoxini, eŋí eánigíá niyoni seáyí e wimóniŋoxini, amipí joxi yariŋípi seáyí e eri ámáyo uduŋí winipaxípi eri yariŋagi ranariŋwáriní. Gwí wirí wirími dánŋí niyoni miŋí ináyoŋini, pí pí joxi neríná wé róniŋí eri nepáni eri yariŋagi

ranariñwáriní. ⁴Ámináoxini, joxi ná woxini siyikwí mínioxi enagi náni ámá giyí wáyí misipa ero seáyi e mirimíeyoapa ero epíríáriní? Dixí náni pirí numamoríná xixeni imóniñipi tñi yariñipi rixa siñáni imóniñagi náni ámá gwí wirí wirí nñi nibiro dixí simimaniñimi dáni wauni nikáriníro seáyi e rimepíríáriní.” Sonjí niriro e rariñagía winiñanigini.

⁵Api niwinimáná weníñí éáyí winiñanigini. Anjínami anjí ñwáiwámi ínimi anjí pákíniñiwá —Awá Gorixoyá anjí awawá ayá ríá weníwáriní. Awá íkwíniñagi niwiniri ⁶anjínají xeaniñí aga ríá tñí wikáripíri náni tígíá wé wíumi dánjí waú awa rapirapí awiaxí apía weri xwiníá eari enjí yíniro irikwíniñí siñá gorí tñi imixiniñipi xwinamiyaiwí yiróniro nemáná anjí ñwáiwámi dáni íwipariñagía niwiniri ⁷dñjí tñjí imónigíá waú waú awa wo niwiápínimeari anjínají wé wíumi dánjí waú awami pirerixí siñá gorí tñi imixiniñí wé wíumi dánjí waú miní winiñigini. Pirerixí apimi wikí óniñí Gorixo, anjí íníná ñweañoyá magwí enjípírimí. ⁸Miní wíáná enjí eániñí Gorixoyá imóniri seáyi e oyá imóniri enjípimi dáni siñwiríá xegí anjí ñwáiwámi árió ináriníñagi náni anjínají wé wíumi dánjí waú awa xeaniñí ríá tñjí wé wíumi dánjí waú api wikáripíríe náni páwipaxí wí mimóniñagi siñwí e winiñanigini.

Anjínají wé wíumi dánjí waú pirerixíyo íniniñipi miwiárómoogíá nánirini.

16 ¹Nioni aría wíáyí anjí ñwáiwámi dáni manjí bá enjí tñi anjínají wé wíumi dánjí waú awami re urinénapiñagi aría wiñanigini, “Soyiné nuro Gorixoyá wikí óniñí pirerixí wé wíumi dánjí waú ayo magwí enjípí xwíárimí miwiárómoaipoyi.” urinénapiñagi aría wiñanigini.

²Anjínají awa wo pirerixí o xiriñína nimeáa nuri xwíárimí miwiárómoaíáná re enjinigini. Ámá nanwoyápi ipiríá eániro xegí xopaikigí imixiniñípimi seáyi e umero yarigíáyí oremá sipí xwiríá wianarigíapi imónigíawixini.

³Anjínají awa ámi wo xegí pirerixína rawirawáyo miwiárómoaíáná re enjinigini. Rawirawá ragí nimóniri ámá piyíyá pwariniñipa axipi pípió onjí imónáriníñigini. E imónáraná amipí dñjí tñjí rawirawáyo ñweañíyí nñi piyí yáriníñigini.

⁴Anjínají awa ámi wo xegí pirerixína iniigí ná weariniñíyo tñi simiñí meariniñíyo tñi miwiárómoaíáná iniigí nñi ragí imóniñinigini. ⁵Iniigí nñi ragí imónáná anjínají iniigí xiáwo re rariñagi aría wiñanigini, “Agwi ríná ñweari enjíná dáni anjí imóniri enjoxini, aga siyikwí míní enjoxini, pirí joxi umamoariñí api xwiyíá mimeárinípa neri xixeni wikáriníñini. ⁶Ayí ámá dixí imónigíáyo tñi wíá rókiamogíáyo tñi ragí pikieweámixigíá náni joxi ragí onípoyiniri pirí api numamoríná xixeni yariñini. Ámá ayí pirí joxi umamoariñipi ríniñí meapaxí imónigíáyí enagía náni ayí ananirini.” rariñagi aría niwiri ⁷xwiyíá bí íráí noa peyiniñe dáni re rinariñagi aría wiñanigini, “Áminá Gorixoxini, enjí

eániñí tígíáyo niyoni seáyi e wimóniñoxini, ayí neparini. O aga xixeni riñoi. Piri joxi umamoariñí api api nepa xixenini wiariñirini.” rariñagi aría wiñanigini.

⁸ Añínají awa ámi wo xegí pírerixína sogwomi miwiárómóaná Gorixo ámá xwíáyo ñweagíáyo xe sogwí xaíwí niwepíniri naniri rímimeniñwí neániri pírí owiáriniri siñwí winiñinigini. ⁹ Xe rímimeniñwí neániri pírí owiáriniri siñwí winíagi sogwí niwepíniri ayo ría pírí wíáriagi náni ámá ayí Gorixomi —O xegí eñí sixí eániñíyo dání xeaniñí ayí wikáripaxí imóniñorini. Omi ikayíwí numeariróná wigí íwí yarigíápi ríwímíni nimamoro omi seáyi e mumíeyoagiawixini.

¹⁰ Añínají awa ámi wo xegí pírerixína íkwianñwí nañwo éi niñweámána ámáyo umeñweañnamí miwiárómóaná re eñinigini. Ámá nañwo xegí seáyi e niwimóniri umeñweañíyo niyoni síá yidoáriñinigini. Síá yidoaráná ríniñí ayikwí wí miwinariñagi náni iwieániro wigí aíwí síwí kiro neróná ¹¹ wigí sipí yarigíápi ríwímíni mimamopa nero ríniñí winariñipi tñni uraní egíápi tñni náni Ñwíá añínami dánjomi ikayíwí umeariñíawixini.

¹² Añínají awa yoparo tíño xegí pírerixína iniigí rapá xwéú, Yupiretisiyi riniñúmi miwiárómóaná mixí ináyí sogwí íwiapariñími dánjowa iniigúmi anani xepíri náni yeáyí yáriñinigini. ¹³ Nioni weníñí éáyí winiñanigini. Piyiminíá sipí biaú bi miníñíniñí nimóniro iwí xwéoyá mañíyo dání íwiapíri nañwoyá mañíyo dání íwiapíri mimóní wíá rókiamoariñoyá mañíyo dání íwiapíri yariñagía winiñanigini. ¹⁴ Piyiminíá apiaú api nipini kwíyí sipípirini. Ámáyo emimí niwíwapiya warigíápirini. Mixí ináyí xwíá nirímíni ñweagiáyí síá sipí Gorixo, eñí eániñí niyoni seáyi e wimóniñoyáyimi mixí inipíría náni awí oeaemeaneyiniri upíríápirini. ¹⁵ Ai, Ámináoni ámá áríwiyimi íwí meáminiri barigíápániñí axípi bimíáriní. Ámá sániñí miwé siñwí naníro aikí pírániñí niyíniro ñweagiáyí yayí owinini. E mepa nerínáyí, íkwauyixíyí nuróná ámá siñwíyo dání ayá winiñinigini nánirini. ¹⁶ Kwíyí sipí biaú bi api nuro mixí ináyowami niwirimearo Xibiruyí píné tñni Amagedoniyi riniñe awí eaárariñagía winiñanigini.

¹⁷ Añínají awa yoparo xegí pírerixína imiñí yariñe —E kwíyí sipíyíyá añí erini. E miwiárómóaná añí ñwíáiwámi ínimi síá íkwianñwínamí dání xwiýíá eñí tñni rfaiwá re rinénapíñinigini, “Rixa apirini.” rinénapána re eñinigini. ¹⁸ Ápianñwí nókímixa uri añínami dání ikaxí nira uri akíriwí nira uri neri poboní xwé bi —Api eñíná ámá xwíárimí iwamíó ñweaagíe dání waíní waína poboní xwé neri aiwi bi api tñni xixeni miyagí eñagi náni api aga xwé birini. ¹⁹ Api yaríná añí aga xwé mamadí ikwíróniñipi xwíá yaiwiámí nimeniríná nikwiriniri biaú bi imóniri añí ámá gwí wirí wirí niyíyáyí úpiyinowiri eñinigini. E neríná Gorixo añí xwé Babironiyí riniñipi náni diñí peá mimó neri ámá apimi ñweagiá

ríniñí xwé omeápoyiniri kapixí xíoyá wikí óniñípi dání mixípi íniñíwá mini wíagi ²⁰piriñwí níni rawirawáyo urípíniri díwí miñí roñíyí níni aíniri neri ²¹añinafkí xwé amimá iniñí wí —Woni woni xegí saní 50 kiro imóniñípirini. Api añinami dání ámáyo piéroráná xeaniñí Gorixo wikáríí api xeaniñí aga ríá tíñí eñagi nání omi ikayíwí umearariñagi winiñanigini.

Apixí iyí ede dání warigíí nánirini.

17 ¹⁻²Añinají wé wíumi dání wáu pírerixí wé wíumi dání wáu tígiáwa wo nibiri niniriríná re niriñinigini, “Joxi bei. Apixí iyí ede dání warigíími —Í nání añí nimini íá earoariniñirini. Iniigi wearini obaxíyo seáyi e éi xejweañirini. Mixí ináyí xwíárimí dáníyí tñi íwí inigíirini. Ámá xwíárimí ñweagíáyí í tñi íwí niniróná ayí ámá iniigi wainí xwapí niniróná papikí yarigíápániñí diñí mamó nero inigíirini. Ími Gorixo píí umamoariñípi siwá osimini.” niniriri ³Gorixoyá kwíyípi nixixéroráná ámá diñí meaje nání ninimeámi úaná weniñí éáyí winiñanigini. Apixí wí nañwí ayíá riñí womi —Nañwo nomini yoí Gorixomi ikayíwí umeararigíápi eániri miñí wé wíumi dání wáu imori siwaní wé wúkaú miñíyo dání rémówapiri eñorini. Omi í seáyi e éi xejweañagi winiñanigini. ⁴Í rapirapí ayíá riri mipíyí mori eñíyí yíniri okiyíá nání síñá gorí tñi imixiniñípi tñi síñá awiaxí tñi urípó apíá wení nigwí xwé roñípi tñi okiyíá iniri nemáná kapixí síñá gorí tñi imixiniñí wá íá nixiriri ñweañagi winiñanigini. Kapixí awámi íwí í yariñí xwiríá wianipaxí imóniñípi tñi íwí í niniri piaxí weánariñípi tñi magwí iniñagi winiñanigini. ⁵Yoí ími mimáyo eániñípi rasí re niriniri eániñagi winiñanigini, “Añí xwé Babironiyi wírininiñirini. Apixí iyí ede dání warigíá níwami tñi ámá xwíárimí ñweagíá yarigíá Gorixo xwiríá wianariñí niyoni tñi xináñirini.” Rasí e niriniri eániñagi winiñanigini. ⁶Apixí í ragí ámá Gorixoyá imónigíáyíyá tñi Jisaso nání wáí nírimeróná miñí winigíáyíyá tñi ninimáná papikí yariñagi siñwí niwiniri “Ámá Gorixomi diñí wikwíroarigíáyí aga onimíá ría pikiñoi?” niyaiwiri ududí ikárinariná ⁷añinajo re niriñinigini, “Pí nání joxi ududí ikárinariñini? Apixí í tñi nañwí miñí wé wíumi dání wáu imori siwaní wé wúkaú miñíyo dání rémówapiri eño, í seáyi e éi xejweaño tñi ípaú nání xwiýíá rasí niriniri ínimi imóniñípi nioni píraníñí áwaní oririmini.” niniriri ⁸re niriñinigini, “Nañwí joxi winío xámi ñweaago aí agwi miñweanini. O siririkí yoparípi mimóniñíyimi dání rixa nipeyeari sepiápi miñweá wiárí midáni aníñini aníniniárinini. Ámá xwíárimí ñweagíáyí —Ayí eñiná Gorixo xwíári imixiniñá dání íkwí diñí niyimíñí meapíríá nání ñwiráriníñinami wigí yoí miñwirárinipa egíáyí nání rariñini. Ayí nañwomi niwiniróná ududí wininiárinini. O xámi ñweaago agwi miñweañagi aiwi ríwéná ámi biná eñagi nání ámá ayí siñwí e

niwiniro nání ududí wininíárini.” niniriri ⁹re riŋiniginini, “Ámá diŋí píraniní neŋwiperi moariŋíáyí ‘Ayí api nání ría imónini?’ yaiwipaxírini. Naŋwoyá miŋí wé wíumi dání waú imóniní apixí éi xeŋweaŋipi, ayí díwí miŋí wé wíumi dání biaú nánirini. ¹⁰Ayí mixí ináyí wé wíumi dání waú eni nánirini. Awa wé wú rixa aníá nimóga ugíárini. Wo sini agwi ŋweani. Wo sini niŋweaníárini. O imónáná Gorixo xe bi onimiápi niŋweari umeŋweáwiniginiri siŋwí wininíorini. ¹¹Naŋwí eŋíná ŋweaagí agwi miŋweaŋo eni mixí ináyí ámi worini. Xío mixí ináyí wé wíumi dání waú awayá wo aí awami ríwíyo mixí ináyí imóniníorini. O mixí ináyí nimóniríná sepiápi miŋweá wiárí midáni aniníni aníniníárini. ¹²Siwaŋí naŋwoyá miŋíyo dání wé wúkaú rémówapinagi siŋwí winííyí, ayí mixí ináyí wé wúkaú ámáyo umeŋweapíría nání sini mimónigíáwa nánirini. Awa eŋí eániní mixí ináyí imónipírí nání nimóniro naŋwo tñni ámáyo numeŋwearóná aniní mumeŋweá síá ná wiyiníniŋí umeŋweapíríárini. ¹³Awa diŋí axípini tígíáwarini. Wigí eŋí eánigíá imóninípi tñni néní tígíá imónigíápi tñni eni nawíni naŋwomi ínimi niwurínro ¹⁴sipisipí miáo tñni mixí niniróná sipisipí miáo xopirárí winíárini. O áminá niyoni áminá seáyí e imóniŋo wimóniri mixí ináyí niyoni mixí ináyí seáyí e imóniŋo wimóniri neri nání ámá o tñni nawíni imónigíáyí —Ayí xío xegí imónipíría nání pariri wéyo íá umiriri eŋíyírini. O nání peá mimó diŋí niwikwíroro íá xirarigíáyírini. Ayí o tñni nawíni xopirárí wipíríárini.” Aŋínajo e ninirimáná ¹⁵re niriŋiniginini, “Iniŋí weariní apixí iyí ede dání warigíí seáyí e xeŋweaŋí joxi siŋwí winííyí, ayí ámá níní nánirini. Ámá wará xixegíni írigíárani, gwí wirí wirírani, gwí mónigíá bi birani, píné xixegíni rarigíárani, ayí níní nánirini. ¹⁶Siwaŋí wé wúkaú rémówapinagi siŋwí winííyí tñni naŋwo tñni awa apixí iyí ede dání warigíími símí tñni niwiro xwiríá wikixero xegí amipí urápekixero nero síwí sayí naŋwí roanariŋipániní niwiro nímimi áriá yipíríárini. ¹⁷Ayí ripí nání e epíríárini. Gorixo awa diŋí ná bini tñni nero wigí umeŋweagíáyí tñni nawíni naŋwomi ínimi niwuríniróná ími e wírixiniri diŋí utiníá eŋagi nání awa api e niwikára nuróná xwiyíá Gorixo riŋipi xixeni imóniníe nání niwikára upíríárini.” niniriri ¹⁸re niriŋiniginini, “Apixí joxi siŋwí winíí, í aŋí xwé mamadí ikwíróninípi nánirini. Api mixí ináyí xwíá nírímimi ŋweagíáyo seáyí e niwimóniri meŋweaŋipirini.” niriŋiniginini.

Aŋí Babironi xwiríá ikixéniŋí nánirini.

18 ¹Api niwinárimáná aŋínají ámi wo aŋínami dání weaparinagi wininiginini. O néní tñí seáyí e imóniní worini. Aŋínami dání niweapiríná xegí ikíninípi xwiníá neari xwíárimi wíá nókiáriríná ²eŋí tñni ríaiwá níriríná ripí rarinagi aríá wiŋaniginini, “Babironi, aŋí xwé mamadí ikwíróninípi rixa xwiríá ikixenárinini. Rixa xwiríá nikixenáriniri yíwí imóniníagi nání imíó yáriŋerini. Rixa kwíyí sipíyí eni

awí eánariñerini. Rixa iní sipí ‘Ayí obí dñí ría rarini?’ rariñípi xwapí yáriñerini. ³Ayí ripí nání xwiríá ikixenárinini. Ámá gwí bí bí moníñíyáí nání apixí ‘Níñi tñi íwí niniróná míreníñi oanípoyi.’ yaiwariñi tñi íwí niniróná iniñí wainí niniríñi nero papikí ero wigí mixí ináyí xwíárimí dñíyí í tñi íwí inayiro egiá eñagi nání xwiríá ikixenárinini. Nígwí omeaneyinero yúbí sábiníñi inariñíyáí apixí í ‘Amipí xwé tñíñi nimóniri sirí muní oñweámini.’ yaiwariñagi nání ími amipí wí mini wiayiro nígwí urápayiro neríñipimi dání nígwí xwé tñíñi imóníñi eñagi nání eni xwiríá ikixenárinini.” rariñagi aríá wiñanigini.

⁴Xwiyíá ámi bi añinami dání re rinénariñagi aríá wiñanigini, “Ámá nioni gí imóníñiñé, seyíñé íwí apixí í yariñípa axípi nero xeaníñi ími wímeanípi seyíñé eni seaímeaniginiri ími pñi niwíarimi wí e nání úpoyi. ⁵Ayí ripí nání searariñini. Í íwí aríkí niyayiríná xegí íwí yariñípi rixa niramóga nearíná añina tñi xixeni róniñagi nání íwí í yariñípi nání Gorixo dñí peá mimó eni.” ⁶Ámi ripí rariñagi aríá wiñanigini, “Ími pirí numamoríná í wikáriñípa axípi wikárirí sipí í eñípi biaú kikírí wiri iniñí wainí í kapixíyo niwiri wiñípa wainí piñí biaú kikírí opaxí imóníñi niwiri wiri éirixini. ⁷Í xewaniñí seáyí e míeyoániri sirí muní ñweari eñípi tñi xixeni mimeníñwí uriri ámixíá eri oeniri pirí umamóirixini. Í xegí dñí tñi re yaiwinariñirini, ‘Níñi mixí ináyí nimóniri meñweañáñi menirani? Níñi apixí aní imóníñiñirani? Gíná dání dñí sipí níagi ñwí eapaxí imónimíárani?’ yaiwinariñi eñagi nání ⁸xeaníñi síá axíyimini re wímeaníárini. Simiárí wímeari piyí epaxípi wímeari ámixíá epaxí imóníñi wímeari aiwá nání dñwí ikeamónipaxípi wímeari nemáná nímini ría uniníárini. Áminá Gorixo, ími pirí umamonfo eñí sixí eániño eñagi nání api nipini wímeaníárini.

⁹“Mixí ináyí xwíárimí dñí í tñi íwí iniro í tñi nawíni niñwearoná sirí muní ñwearo egiáyí ími ría niniri siñwiríá peyariñagi niwiniróná re epíríárini. Ámixíá ero ñwí miearo nero ¹⁰riniñí ími wímeápi none eni neaímeaniginiri wáyí nero ná jíami nirómáná re ripíríárini, ‘Ine! Babironi añí xwé mamadí ikwíroníñipixi, añí wí tñi xixeni mimóníñipixi, axínani pirí rimamópi rixa símeá eñagi nání ine!’ ripíríárini.

¹¹“Ámá xwíárimí dñí nígwíni omeaneyinero yúbí sábiníñi yariñíyáí wigí sañíyí nígwí nání ámá ámi wí bí wipaxí meñagi nání í nání eni ámixíá ero ñwí earo epíríárini. ¹²Wigí sañíyí, ayí tñini. Síñá gorí tñi síñá siripá tñi síñá awiaxí xixegíni imóníñi tñi urípó apía wení nígwí xwé roñí tñi rapírapí awiaxí apía wení tñi rapírapí mipiyí moñí tñi rapírapí sirikáyí riniñí tñi rapírapí ayíá riñí tñi íkiá xaíwí xegí yoí sitironíyí riniñí tñi amipí bi nañwí erepaníyí riniñíyíá siwaníñipimi dání imixiniñí tñi amipí bi íkiá nígwí xwé roñíñipi dání imixiniñí tñi amipí bi kapáyo dání imixiniñí tñi amipí bi ainixíyo dání imixiniñí tñi amipí bi síñá wárrí wárrío móníñipimi dání imixiniñí tñi ¹³werixí sinamoníyí

riniŋipi tñi karíniŋi imóniŋi amomíyi riniŋi tñi íkíá díá ríá ikeaarána siŋwiríá diŋi naŋi eaariŋipi tñi iniigi waráyo xópé inipíríá náni diŋi naŋi eaariŋipi tñi íkíá díá pirakenisaníyi riniŋipi tñi iniigi waini tñi werixí oripí tñi pirawá awiaxí tñi witi aiwá tñi burimákaú tñi sipisipí tñi osí tñi karí osí íropearíŋi tñi áamá eni xináiwániŋi nimóniro omiŋi wiirigíáyi tñi wigí saŋi bí epíríá náni imóniŋiyí, ayí apirini. ¹⁴ Amipí jíxi ‘Omeámíni.’ simónariŋipi rixa píni niwiárimí ruŋoi. Amipí jíxi mirimúroniŋipi tñi amipí jíxi nimearíná sirí muní ŋweaaríŋipi tñi rixa anipá imóniŋi náni ámi siŋwí winipaxí mimónini.

¹⁵ “Ámá nigwíni omeaneyinero wigí amipí níni yoí riniŋi api ími bí egíáyo dáni nigwí xwé tígíá imónigíáyi ríniŋi axí ími winariŋipi none eni neaininiginiri wáyí nero ná jíami nirómáná ámixiá ero ŋwí miearo nero ¹⁶ re ripíríárimí, ‘Ine! Aŋi xwé mamadí ikwíróniŋipixi, ine! Apixí rapirapí awiaxí apíá wení tñi mipiyí moŋi tñi ayíá riŋi tñi yíniri síŋá gorí tñi imixiniŋipi tñi síŋá awiaxí imóniŋi xixegíni tñi urípó apíá wení nigwí xwé roŋipi tñi okiyá iniri eŋixini, ¹⁷ axínáni jíxiyá amipí ayá tñiŋi api nipini rixa xwiríá ikixenáríagi niranirane náni ine!’ ripíríárimí.

“Sipixí o omi xiáwowa tñi áamá wí e náni owaneyinero sipixí o omi bí nero ŋweaarigíáyi tñi sipixí o omi omiŋi mearigíáwa tñi áamá sipixíyo niŋwearo wigí nigwí omiŋi yarigíá níniyí tñi ayí aŋi apimí ná jíami nirómáná ¹⁸ aŋi api ríá niniri siŋwiríá peyaríŋagi niwiniróná eŋi tñi ‘Ine!’ níriro re rigíawixini, ‘Aŋi xwé mamadí ikwíróniŋi api tñi xixeni ámi bí gipi ríá ikwírónini?’ níriro re egíawixini. ¹⁹ Isikí nimeayiro miŋíyo mímeámí niniro ‘Ine!’ riro ámixiá ero ŋwí miearo neróná re nira ugíawixini, ‘Ine! Aŋi xwé mamadí ikwíróniŋipi —Aŋi api sipixí xiáwowa amipí wí nigwí meapíri náni rawirawáyo nixero nirémómáná bí egíápirini. E neríŋiyo dáni nigwí xwé tígíáyi imónigíápirini. Aŋi api axínáni sini mé xwiríá ikixenáríagi náni ine!’ nira ugíawixini.

²⁰ “Aŋínaxini, apixí í rixa xwiríá ikixenáríagi náni diŋi níá osinini. Gorixoyá imónigíáyíne tñi wáí wurimeagiááyíne tñi wíá rókiamoagiááyíne tñi niyínéni diŋi níá oseainini. Gorixo aŋi api seyíne seaikáriŋipi náni píri mamóí eŋagi náni diŋi níá oseainini.” Xwiyíá bi aŋínami dáni e rinénaŋipi aríá wiŋanigini.

²¹ Aŋínají eŋi síxi eániŋi wo síŋá xwé witi siyí yuní ikixeariŋiyí sipaxí wo nimíeyoari rawirawáyo nimoairi re riŋinigini, “Babironi, aŋi xwé mamadí ikwíróniŋipi nioni síŋá ro moaíapa aŋi api eni piéroníárimí. Aŋi api áamá wará sini ninimáná pearigíáyíniŋi anipá imónáná ámi siŋwí winipaxí imóniniá menini. ²² Aŋi apixi dáni ámi kitá eániŋi soŋi riniri webí riniri pékákí riniri yariŋagi aríá ámi bi wipíríá menini. Ámá amipí imixaniro éwapíniŋíáyi wí aŋi apixi dáni wigí yarigíápi ámi yariŋagiá winipíríámani. Síŋá witi siyí yuní ikixeariŋiyí apixi dáni ámi neríná ikaxí rinariŋagi aríá wipíríá menini. ²³ Apixi dáni uyíwí wíá ónariŋipi

ámi óniníá menini. Íwí sikiñí tñi apiyá tñi apixi dáni ámi bi nimeániro xwiýíá nawíni rinariñí aríá wipíríá menini. Ayí ripi náni rirariñini. Apixiyá áamá nigwíni omeaaneyiniro amipí bí yariñíáyí dixí ayáí tñi neriniñipi dáni áamá xwíárimí ñweagiáyo niyoni yapí niwíwapiñiróná seáyi e múroniñíá eñagi náni rariñini.

²⁴ “Í Gorixoyá wía rókiamoariñíáyo tñi áamá xegí imóniñíáyo tñi áamá ami gimi ñweagiá pipikímí iniñíyo tñi nipikiri reá roániñirini.” Aññajó e rariñagi aríá wiñanigini.

Babironi xwiríá ikixeniñagi náni aññami dáni yayí egíá nánirini.

19 ¹ Api aríá niwimáná mañí xwé bi áamá ayá wí aññami epíroyí egíáyíñiñí meañí niriniri eñí tñi re rinariñagi aríá wiñanigini, “Negí Gorixomi seáyi e oumeaneyi. Nene éí neamíniño, ayí orini. Eñí eániri seáyi e uméyoapaxí imóniri eño, ayí orini. ² O neyírori pirí numamoríná nepa xixeni imóniñipi tñi wiariniñí eñagi náni seáyi e oumeaneyi. Apixí iyí ede dáni warigiá añí nimini íá earoáriniñí —Í áamá xwíárimí ñweagiáyí tñi íwí niniriñipi dáni uyínií oépyoiniri niwíwapiya nuríná xwiríá wikixenirini. Ími Gorixo neyírori xixeni pirí numamoríná áamá xináíwániñí nimóniro omiñí wiarigiá í nipikiri reá roániñíyí náni rixa xixeni eñí meáfrini.” niri ³ ámi re rigíawixini, “Negí Gorixomi seáyi e oumeaneyi. Siñwiríá añí apimi ríá niniri peyariñipi aníñí miní peyiníarini.” ríagiá ⁴ áamá áminá 24 imóniñíá e niñweaxa pugíáwa tñi diñí tñí imóniñíá waú waú awa tñi Gorixo íkwiañwíñami ñweaño nupíkínimearo omi yayí niwiróná re nira ugíawixini, “E imónini. Omi seáyi e oumeaneyi.” ríagiá ⁵ siá íkwiañwíñami dáni mañí bá re riniñinigini, “Áamá Gorixomi xináíwayínéniñí nimóniro omiñí wiarigiáyíné, siyikwíniñí imóniñíápiayínérani, xwérixayínérani, omi wáyí wiarigiáyíné niyínéni, negí Gorixomi seáyi e umépyoi.” rinariñagi aríá wiñanigini.

“Sipisipi miáo apixí nimeaniñoi.” rigíá nánirini.

⁶ Nioni mañí xwé bi áamá ayá wí epíroyí egíáyí meañí niriníná riniri iniñí iyakwí nidíroríná riniri akiriwí niwekiríná riniri yariñipániñí neríná re rinariñagi aríá wiñanigini, “Negí Gorixomi seáyi e oumeaneyi. Negí Áminá Gorixo, eñí eániñíá niyoni seáyi e wimóniño rixa neameñweani. ⁷ Sipisipi miáo apixí meani rixa rínáriní. Apixí meani rixa wé niróniri ñweani. Ayínáni negí xwioxíyo dáni diñí níá nineainiri yayí nerane Gorixomi seáyi e uméyoaaneyi.” rariñagi aríá niwiri winiñanigini. ⁸ Í oyíniniri rapirapí awiaxí apíá xaíwí weri kíyí bi mayí eri eñí wú —Ú ayí áamá Gorixoyá imóniñíáyí xwíáyo niñwearóná wé niróniro píraníñí egíá náni imóniñúrini. Ú mini wíagi siñwí niwiniñí ⁹ aññajó re niriñinigini, “Re niriñí ríwamiñí eai, ‘Aiwá sipisipi miáo apixí

meaní nání imixáriníápi nání wái urepeariniŋíyí yayí owinini.’ niri riwamiŋí eai.” niniriri re niriŋinigini, “Xwiyá api Gorixo riŋí eŋagi nání nepaxiŋípirini.” niriŋi 10 aŋínajomi yayí owiminiri nání oyá sikwí tĩŋí e upíkínimeááná o re niriŋinigini, “Joxi yegí axípi xinálpawiniŋí nimónirai Gorixomi omiŋí wiariŋwífwawi e minipani. Dixi ririxímeá Jisaso seaŋwapiyiŋipi íá xirariŋíáyí yariŋíápa nioni eni axípi yariŋá woni eŋagi nání Gorixomini yayí wii. Ayí ripi nání rariŋini. Gini gine wía nirókiamoranénáyí, sa Jisaso neaŋwapiyiŋipi rókiamoaniri nání imónariŋwá eŋagi nání rariŋini.” niriŋinigini.

Osí apía weŋí womi seáyi e xeŋweaŋo nánirini.

11 Aŋína oxoáníagi niwiniríná weníŋí yáníáyi winiŋanigini. Osí apía weŋí wo roŋagi niwiniri osomi seáyi e xeŋweaŋo —O re rigíorini, “Diŋí uŋwiráripaxorini. Nepaxiŋí imóniŋípirini yariŋorini.” rigíorini. O osomi seáyi e xeŋweaŋagi winiŋanigini. O ámáyo niwieyírori pirí umamori mixí wiri neríná wé róniŋí imóniŋípirini xixeni xídariŋorini. 12 Xegí siŋwí ría ápiáwiniŋí weri miŋíyo dirí mixí ináyowa dfkínariŋíápi obaxí dfkíniri eŋorini. Xegí yoí ámá níni majíá nimónimáná xewaniŋoni nijíá imóniŋípi xegí warárimi eániri 13 rapirapí ragíyo igíá eániŋí wú yíniri eŋorini. Yoí oyá re riniŋorini, “Gorixoyá Xwiyáoyi” riniŋorini. 14 Aŋínami dání simiŋí wínarigiŋíáyí rapirapí awiaxi apía weri kíyí bi mayí imóniri eŋíyí niyínimáná osí apía weŋíyo nixexeáwímáná omi númi warinaŋía niwiniri 15 ámá gwí bi bi mónigíá niyoni xopirári wini kirá ŋwá yiniŋíá oyá maŋíyo dání peyeaariŋagi winiŋanigini. Ayo ainixí wá íá nixiriri numeŋwari wiki Gorixo, eŋí eánigíá niyoni seáyi e wimóniŋo ayikwí miwóniŋípi niwíwapiyiríná uraxí wainí sogwí síŋá íkwiaŋwí eapiniŋínami xoyikímí yariŋíápa axípi winíáriní. 16 Yoí bi ripi “Mixí Ináyí Niyoni Seáyi e Wimóniri Áminá Niyoni Seáyi e Wimóniri Eŋáoniyi” niriŋiri xegí rapirapíyo ŋwiráriniri sáíyo ŋwiráriniri eŋagi winiŋanigini.

17 Nioni weníŋí yáníáyi aŋínají wo sogwí ŋweaŋe nirómáná apurí aŋí piríyo nipipika emeariŋíyo eŋí tĩni ríaiwá re urariŋagi winiŋanigini, “Gorixo aiwá xwé imixiniŋipi nání nibiro awí eánipoyi. 18 Mixí ináyíyá gíwí yiyóní ero simiŋí wínarigiŋíáyo seáyi e wimónigíáyíyá gíwí yiyóní ero ámá eŋí eánigíáyíyá gíwí yiyóní ero osíyíyá gíwí yiyóní ero osíyo seáyi e xeŋweáíyíyá gíwí yiyóní ero ámá xináíwániŋí nimóniro omiŋí wiariŋíáyírani, wigí omiŋíni yariŋíáyírani, ámá siyikwíniŋí imónigíáyírani, ámá xwérixá imónigíáyírani, níniyíyá gíwí yiyóní ero epíri nání awí eánipoyi.” Iníyo ríaiwá e urariŋagi winiŋanigini.

19 Weníŋí éáyí winiŋanigini. Naŋwo tĩni mixí ináyí xwíárimi ŋweagiŋíyí tĩni wigí simiŋí wínarigiŋíáyí tĩni nawíni awí neániro osí apía weŋomi seáyi e xeŋweaŋomi tĩni o xegí simiŋí wínarigiŋíáyo tĩni mixí wianiro nání awí eánárininaŋía niwiniri winiŋanigini. 20 Naŋwomi íá nixiráriro

mimóní wíá rókiamoariñomi —O nañwoyá néní tñí imóniñípimi dání emimí neríná áamá nañwoyá ipiríá eániri nañwoyá xopaikigí imóniñípi yayí niwiro egiáyo yapí wíwapiyiñorini. Omi eni íá nixiráriro awaú sini sñí eñáná ipí rírómixiñí ríá ápiáwí sñá saripái riniñípi tñi weariniwámi mamówáriagía winiñanigini. ²¹ Wíniyo eni osomi seáyi e xerñweaño kirá xegí mañíyo dání peyeaariñpá tñi pipikímí yáraná iñí náni nibimiro wigí gíwí yiyóní neríná agwí ímí uyáriagi winiñanigini.

Seteno xwiogwí 1,000 apimi gwí ñweañí nánirini.

20 ¹Nioni weníñí yáníáyí winiñanigini. Añínají wo xegí wéyo siririkí yoparí bi mimóniñíyi nání kípí íá xiriri seníá wirí íá xiriri nemáná añínami dání weapariñagi winiñanigini. ²⁻³Añínajo iwí xwéomi —O sidirí eñíná ñweaagí axorini. Obo axo Setenorini. Omi íá nixerí xwiogwí 1,000 múronía nání gwí niyárirí siririkí yoparí bi mimóniñíyimi nimoaimáná mañí éde ówaní niyárimáná sikí bi símimajíó nání ikwiáráriagi winiñanigini. Xwiogwí 1,000 api pwearíná áamá gwí bi bi mónigíáyo yapí miwíwapiyipa éwiniginiri óí ayimi ñwiráriagi winiñanigini. E neri aí xwiogwí api rixa múróáná axíná onimiápi éwiniginiri óí ayimi dání wíkwíowáriníáriní.

⁴Nioni weníñí yáníáyí winiñanigini. Mixí ináyíyá siá íkwiañwí wí sñwí niwiniri ayo wa áamáyo wíeyíropíría nání rípeaáriníjowa éí ñweañagía niwiniri áamá xwiyíá Gorixoyá íá xiriro Jisaso nání aniñí miní áwaní uriro neróná wiwaníñíyí miñí wináná sñwí miñí wákwigíáyí —Ayí sini xwíárimí niñwearóná nañwomi tñi xegí xopaikigí imixiniñípimi tñi yayí miwípa ero nañwo nání ipiríá wigí mimáyorani, wéyorani, meánipa ero egiáyíriní. Ayíyá diñíyo sñwí niwiniríná ripí éagía winiñanigini. Ámi sñí nero xwiogwí 1,000 apimi áamáyo Kiraiso tñi nawíni umeñweañagía winiñanigini. ⁵Iwamíó áamá ámi sñí nero wiápínimeapíríápi, ayí apirini. Pegíá wíniyí ayí iná miwiápínimeáagía winiñanigini. Xwiogwí 1,000 api rixa niñwémáná eñáná wiápínimeáagía winiñanigini. ⁶Ámá pegíá iwamíó sñí nero wiápínimeáíáyí tñi ani nawíni wiápínimeapíríá giyí giyí yayí owinini. Ayí áamá Gorixoyá imónigíáyí eñagía nání oyá diñí tñi yayí winipaxíyíriní. Ayí Gorixo áamá sipíyí ríá xwérími ikáraná ayí tñi nawíni ríniñí Ámi bi Pepíríápiyi riniñípi mimeá Gorixo tñi Kiraiso tñi awaúyá apaxípániñí imónigíáwa yarigíápa nero awaú ñweagííe anani niñwéwiro Kiraiso tñi nawíni niñwearo xwiogwí 1,000 api múroaríná áamáyo umeñweapíríá eñagi nání rariñini.

Setenomi migí niwimixiri xopiráí wiáriñí nánirini.

⁷Xwiogwí 1,000 api rixa niñwémáná eñáná siririkí Seteno gwí ñweañíyimi dání wíkwíowáraná ⁸o niñweyari áamá gwí bi bi mónigíá

xwía riri nirímini ami gimi ŋweagíayo —Ayí áamá Gokiyi rinigiáyí tñi Megokiyi rinigiáyí tñi ayírini. Ayo Seteno yapí owíwapiyiminiri nemeri áamá Gorixoyá imónigiáyí tñi mixí inaniro nání ayo awí neaemeriná áamá o awí eaeméyí rawirawá imañí e inikí e wenjyí yapí xixeni imónipíríarini. ⁹Mixí obaxí ayí xwíarími ayoxí xwé íkwianŋwíniŋí eapiniŋe nání niyiro ayí tñi mixí oinaneyiniro aŋí Gorixo diŋí sixí uyiŋípimi —E xegí áamá imónigiáyí ŋweagíerini. E awí mudímóáná re éagi winiŋanigini. Ríá aŋínami dání nipiérónapiri ayo ríá nowáragí winiŋanigini. ¹⁰Ayo rixa ríá náná obo, ayo yapí wíwapiyariniŋomi íá nixero ipí rírómixiŋí ríá ápiáwí siŋá saripái riniŋipi tñi weariniŋwámi —E naŋwo tñi mimóní wía rókiamoago tñi awaú xámi moaigíe omi eni axí e nawíni ŋweárixiniri moaíagía winiŋanigini. E ikwáwiyirani, áriwiyirani, kikiíá bi mepa nero ríniŋí aniŋí wininiŋári.

Gorixo áamáyo eyeyírómi eŋí nánirini.

¹¹Nioni weniniŋí yáníáyí mixí ináyíyá siá íkwianŋwí apía wení xwé wina niwiniri anami éf ŋweaŋoyá símimaŋe dání xwíarí tñi aŋína tñi nñni peá unáragí nání ámi siŋwí bi miwinipaxí imóniŋagi niwiniri ¹²weniŋí éáyí winiŋanigini. Áamá pegíáyí siyikwíniŋí imónigiápiarani, mamadríxarani, íkwianŋwínamí agwíriwámíni roŋagía winaríná bikwíyí nipariro íkwí ámi wina, áamá diŋí niyimiŋí meapíría nání yoí ŋwirárininiŋína eni nipariro pegíá ayí sini siŋí neróná yagiápi tñi xixeni xwiyíá umeáriminiri nání api nání bikwíyo ŋwirárininiŋíyo dání íá rirómí neri xixeni xwiyíá umeáragí winiŋanigini. ¹³Áamá pegíá rawirawáyo ninamiro wegíáyírani, pegíá piyiŋí siwí aŋí e —E pepíría nání Piyoyi riniŋipi tñí erini. E ugiáyírani, nñni íkwianŋwí Gorixo éf ŋweaŋína tñí e báná wigí yagiápi tñi xixeni xwiyíá umeáragí winiŋanigini. ¹⁴Pepíría nání Piyoyi riniŋipi, piyiŋí siwí aŋíyo ŋweagíayo nimeari ipí rírómixiŋí ríá wearine —E Gorixo xwiyíá umeáripimi dání ríniŋí wininiŋerini. E moaíagi winiŋanigini. ¹⁵Xwiyíá numeáriríná íkwí áamá diŋí niyimiŋí meapíría nání yoí ŋwirárininiŋami giyí giyí anami yoí miŋwirárininiŋagi niwiniríná ayo íá nixero ipí rírómixiniŋí ríá weariniŋwámi moaíagía winiŋanigini.

Aŋí siŋína tñi xwía siŋírí tñi nánirini.

21 ¹Nioni weniniŋí éáyí winiŋanigini. Aŋí siŋí wina tñi xwía siŋí wirí tñi rixa nimóniŋagi winiŋanigini. Aŋí xámiŋína tñi xwía xámiŋírí tñi rixa anipá imóniŋagi nání aŋí siŋína tñi xwía siŋírí tñi imóniŋagi winiŋanigini. Rawirawá ámi miriwoŋagi niwiniri ²weniŋí yáníáyí aŋí ŋwía Gorixoyápi —Api Jerusaremi Siŋípiyi riniŋipírini. Api apixí oxí meánimíniríná okiyíá inarigíapa axípi éniŋí ninimáná aŋínami Gorixo tfe dání wepariniŋagi winiŋanigini. ³Siŋwí e niwiniri

manjé bá íkwiañwínami tñjé e dání niriniríná enjé tñni re rinariñagi aríá wianigini, “Aríá époyi. Gorixo ñweaaríñe agwí rixa ámá tñni nawíni imónini. O ayí tñni nawíni niñwearóná ámá xíoyá xegí imónipíríárini. Xewaniño eni wigí Ñwíáo nimóniri ayí tñni nawíni niñwearóná ⁴ amipí diñjé sipí wiariniñjé xórórí niwiiri nání wigí siñwirixí weaparigiápi kwikwírímí niwiriniñjé wílagi nání ámá pero ámixiá ero ñwí earo riniñjé winiro yagiápi ámi bi mepa epíríárini. Xámi e yagiá api rixa ríná dání aniniñjé xwíá iwéagi nání ámi axípi wí epíríámani.” rariñagi aríá wianigini.

⁵ Íkwiañwínami éí ñweaño re riñinigini, “Aríá ei. Nioni amipí nipini ámi siñjé imixáríárini.” niriiri re niriñinigini, “Xwiyíá nioni rariñápi nepaxini imóniri ámá diñjé wikwíropaxí imóniri enagi nání joxi ríwamiñjé eai.” niniriiri ⁶ re niriñinigini, “Amipí nioni ‘E imóníwiniñini.’ yaiwiniápi rixarini. Nioni síñá píri tiñweañiniñjé neri nání iwamíó imóniri yoparí e nání imóniri mé aniniñjé imónini. Iniigí nání gwíni yeáyí wí gíyí gíyo iniigí diñjé niyimiñjé meapíríá nání siminiñjé meariñjé dání anani niwiri mini wimíárini.” niniriiri ⁷ re niriñinigini, “Ámá nioni aniniñjé íá ninixiriróná nioni tñni símí tñni inariñwáyo xopiráriniñjé wíá gíyí gíyo nioni ríá api nipini niwiiríná Ñwíá ayíyáoni imóniri ayí eni gí niaíwí imóniro epíríárini. ⁸ E neri aí íkwíkwíá imónigíyí tñni nioni diñjé ninikwíro aí ámi peá nimogíyí tñni ámá xwiríá wianipaxí imóniniñjé yarigíyí tñni pikíxwiríó yarigíyí tñni íwí inarigíyí tñni ayáí yarigíyí tñni wigí ñwíápimi íá nixiro diñjé nikwíro pírániñjé mearigíyí tñni yapí rariñjé niniñjé tñni wigí píri mamónipíríe —E ipí rírómixiniñjé síñá saripáyo dání ríá ápiáwí aniniñjé wearinerini. Ayí e aniniñjé wepíríá enagi nání riniñjé Ámi bi Pepíríápiyi riniñjépi xixeni meapíríárini.” niriñinigini.

Anjé Jerusaremi siñjépi nánirini.

⁹ Anjéñajé wé wíumi dání wáú awa pírerixí wé wíumi dání wáú ayo xeaniniñjé yoparí wé wíumi dání wáú ininiñjé xirigíáwa wo nibiri re niriñinigini, “Eini. Apixí sipisipí miáo meaní síwá osimini.” niniriiri ¹⁰⁻¹¹ Gorixoyá kwíyípi nixixéróáná anjéñajo díwí miñjé sepiá roñjé bimi nání nimeámi niniyiri anjé ñwíá xíoyápi, Jerusaremiyi riniñjépi anjéñami Gorixo tñe dání xixíéá xó inariñjépi tñni nawíni weaparíná síwá níagi winiñanigini. Xwiníá anjé api eanjépi síñá awíaxí nigwí xwé roñjépi xwiníá eariñjépa enagi niwiniri síñá awíaxí jasipái riniñjépi ririmá óniñjépa ónariñagi winiñanigini. ¹²⁻¹³ Anjé apimi nipimini síñá tñni ákiñá aga seáyí émi eániñagi niwiniri ákiñá apimi íwí wé wúkaú síkwí wáú ininiñjépi niwiniri ákiñá sogwí xemónapariñjémini imixiniñjépi dání íwí wíyáú wíyi ininiñjépi winiri ákiñá sogwí weariniñjémini imixiniñjépi dání eni íwí wíyáú wíyi ininiñjépi winiri midáni midáni eni íwí wíyáú wíyi ininiñjépi winiri neri ayo bimi bimi anjéñajé xixeni awí mearoñagiá

niwiniri Isireriyíyá xiáwo írinqowa wé wúkaú sikwí waú imónigiáwayá yoí íwí bimí bimí niyoni wo woyá yoí eániñagi winiñanigini. ¹⁴Síñá tñi ákiñá nearíná iwamíó nitiwayirori tiniñíyo —Ayí síñá wé wúkaú sikwí waú xámi weñíyirini. Ayo sipisipí miáoyá wáí wurimeiañiá wé wúkaú sikwí waú imónigiáwayá yoí síñá ayí ayimi xixeni eániñagi winiñanigini. ¹⁵Aññají nioni xwiyíá nirío xoyíwá iwamíó yarigiá síñá gorí tñi imixiniñíyi añí apimi tñi ákiñáyo tñi íwíyo tñi iwamíó néra uni nání íá xiriñagi winiñanigini. ¹⁶Añí apiyá miwí imóniñí biaú biaú nipini xixeni imóniñípirini. Sepiá miwí midimidáni imóniñípi axípi imóniñípirini. Aññajo rixá iwamíó yarigiáyi tñi iwamíó yaríná añí api xegí sepiá éipi 12,000 imóniñagi niwiniri sepiá eñí ákiñá xwápiyi nimixiga puñípi tñi sepiá eñí yegí nimixiga nipeyiri píni wiárininiñipi tñi nipini axípi 12,000 imóniñagi niwiniri ¹⁷aññajo añí apiyá ákiñá iwamíó neríná xegí sepiá niróga nipeyiri píni wiárinine imóniñípi 144 mita eñagi winiñanigini. Aññajo iwamíó neríná ámá iwamíó yarigiáyi tñi eñinigini. ¹⁸Ákiñá síñá awiaxí jasipái riniñípi tñi nikikíróga nipeyiri eániri añí nápi síñá gorí tñi miriniñagi nání girasíniñí ririmá ókiáriniri eñagi winiñanigini. ¹⁹Síñá ákiñá nearíná iwamíó nitiwayirori tiniñí wé wúkaú sikwí waú xámi weñípi síñá awiaxí nigwí xwé roñí wíyí wíyo dání tñi naní oimóniri didairí inñagi winiñanigini. Síñá iwamíó nitiwayirori tiniñíyí wíyi síñá jasipái riniñíyirini. Ámi wíyi onagwá weñí sapaíyi riniñíyirini. Ámi wíyi apíá weñí agetái riniñíyirini. Ámi wíyi sowí inñí emerái riniñíyirini. ²⁰Ámi wíyi sadonikisíyi riniñíyirini. Ámi wíyi ayíá riñí konirianíyi riniñíyirini. Ámi wíyi siyó riñí kirisoraitíyí riniñíyirini. Ámi wíyi sowí xegí bi inñí beriríyí riniñíyirini. Ámi wíyi siyó xegí bi riñí topasíyi riniñíyirini. Ámi wíyi kirisopirasíyi riniñíyirini. Ámi wíyi onagwá weñí jiasiníyi riniñíyirini. Yoparíyi mipiyí moñí ametisíyi riniñíyirini. ²¹Ákiñá ówaní wé wúkaú sikwí waú eñíyí ayí urípó apíá weñí nigwí xwé roñí wé wúkaú sikwí waú ayíri. Winani winani urípó ná woni tñi imixiniñíyirini. Añí apiyá óyí síñá gorí tñi imixiniñí eñagi nání girasíniñí ririmá ókiñíyirini. ²²Añí apimi dání añí Gorixo nání ridiyowá nero seáyi e umearigiá wiwá miriniñagi miwiniñanigini. Ayí ripi nánirini. Áminá Gorixo, eñí eániñiá niyoni seáyi e wimóniño tñi sipisipí miáo tñi aiwaniñowau aníñí e niñweari añí iwániñí miriniñagi nání wiwá nimirirínáyí, ná mayí imónipaxí eñagi nání mimiriniñagi winiñanigini. ²³Gorixo xewaniño xixieá inariniñípi wía añí apimi ókímixiri sipisipí miáo apimi uyíwíniñí yamori eñagi nání sogwírani, emárani, apimi wía ómixinía nání ná mayíri. ²⁴Wía añí apimi dání óniniñípi añí apimíni wóniniñámani. Ámá gwí bi bi mónigiá wía api óniñe niñwearo wigí yarigiápi epíríári. Mixí ináyí xwíárimi ñweagiáyi wigí amipí ayá tñípi nimeámi nuro añí apimi páwipíríári. ²⁵Ikwáwiyíná ákiñá íwí ówaníyí yárininiñá menini. Añí apimi ámi áríwíyi wí imóniniñá

menjagi nánirini. ²⁶Ámá gwí bi bi mónigíáyo dání amipí ayá tñjipi tñi amipí ámá siñwí niwiniríná “Seáyi e imóniñipírani?” yaiwiarigíápi tñi añj apimi nání nimeámi nuro páwipíría aiwi ²⁷ámá piaxí weánipaxípi yarigíáyí tñi xwiríá winipaxí imóniñipi yarigíáyí tñi yapí rarigíáyí tñi ayí wí añj apimi aga ná ríwíyo aí wí páwipíría menini. Ámá wigí yoí íkwí sipisipí miáoyá diñj niyimiñj meapíríánami ñwirárinigíáyíni añj apimi páwipíríárini.

22 ¹Aññajo iniigí diñj niyimiñj imónipíri nání wearinjú siwá níaná nioni siñwí niwiniríná ú girasí ririmá ónarinípa nónimáná siá íkwianjwí Gorixo tñi sipisipí miáo tñi awaúyánami dání simiñj nimeari ²añj apimi nání xegí óyo ayá áwinimi wearinjagi wininjanigini. Iniigí úmi ororíwámi dání íkíá diñj niyimiñj imónipíría náníyí roñagi wininjanigini. Íkíá ayí emá ayí ayo sogwí niweríná sogwí xixegíni wé wúkaú sikwí waú wearinjíyírini. Íkíá ayí iwípi Gorixo ámá gwí bi bi mónigíá niyoni wé roñwirárinimi imóniñipi eñagi nání ³xío eñíná ramixiniñipi e dání axípi sini wí imóniníámani. Siá íkwianjwí Gorixo tñi sipisipí miáo tñi awaúyána añj apimi imóniníá eñagi nání ámá xíomi nixídiro nání xináíwáníñj nimóniro omiñj wiariigíáyí añj apimi dání xómiñj niyikwiro yayí seáyi e numero ⁴oyá símimanípi eni siñwí niwiniro xegí yoí wigí mimáyo eánigíáyí imónipíríárini. ⁵Añj apimi dání siá ámi bi yininíámani. Áminá Gorixo ámá apimi ñweagíáyo wía wókímixiníá eñagi nání uyíwí tñi sogwí tñi wía ómixiníá nání míkí mayí nimóniro xío tñi nawíni niñwearo nání mixí ináyíniñj nimóniro aniñj miní menjwearipíríárini.

“Jisaso ámi weapinía nání añwi ayorini.” uriní nánirini.

⁶Aññajo re niriniginini, “Xwiýá api aga nepaxiniñipirini. Diñj uñwiráripaxípirini. Áminá Gorixo —O xegí wía rókiamoarigíáwami xegí kwíyí tñi eñj sixí wírómixowárariorini. O xegí aññajoni ámá xíomi nuxídiro nání xináíwáníñj nimóniro omiñj wiariigíáyo amipí ríwíyo añjini nimóniníápi nání siwá wimi nání nirowárenapíríni.” niriniginini.

⁷“Aría épyoi. Nioni seaímeámía nání añwi ayorini. Xwiýá bikwí ripimi wía nirókiamóniri eániñíyo xidarigíá giyí giyí Gorixoyá diñj tñi yayí winipaxí imóniñipi.” Jisaso e riniginini.

⁸Amipí api nání aría wiri siñwí winíri yariñáoni, ayí nioni Jononirini. Aría wiri siñwí winíri neríná aññají amipí api siñwí owininiri siwá níomi yayí oumeminiri xegí sikwí tñj e upíkínimeáagi aí ⁹o re niriniginini, “E minipani. Joxi Gorixomi nuxídiri nání xináíxiniñj nimóniri omiñj wiariñípa nioni eni axípi nimóniri yarigwíwawirini. Dixí ririxímeá imónigíáyí, wía rókiamoarigíáyí tñi xwiýá bikwí ripimi niriniri eániñipi aría wiarigíá náníyí tñi ayíniñj imóniñj woni eñagi nání e minipani. Gorixo ná womini upíkínimeai.” niniriri ¹⁰re niriniginini, “Xwiýá bikwí ripimi wía nirókiamóniri eániñipi rixa

nimóninía aṅwi ayo eṅagi náni joxi síá óripíní neri rití miyáripáni.

¹¹ Ámá sipíni imixarigiáyí xe axípi sipíni nimixa uro ámá sipí neróná síwi yapi yarigiáyí xe axípi sipí néra uro ámá wé róninjí yarigiáyí xe axípi wé róninjí néra uro ‘Gorixo wimónarijipi éimigini.’ yaiwiarigiáyí xe axípi néra uro éfrixini.” niriṅiginini.

¹² Jisaso “Ariá ei.” niniriri re niriṅiginini, “Nioni seaímeámia náni aṅwi ayorini. Nioni nibiri niseáimearíná ámá wigí yarigiápi t́ni xixeni pirí umamómi náni íá nixirimi bimíárinini. ¹³ Nioni síjá pirí tiṅweañinjí nimóniri aninjí miní ṅweañáoni rariṅini. Iwamíó wí e dání imóniri yoparí wí e náni imóniri eṅáonimani. Iwamíó imóniṅe dání aninjí sini ṅweari yoparí imóniníe aninjí sini ṅweari emíáonirini.” niriṅiginini.

¹⁴ Ámá sipisipí miáomi diṅjí niwikwírorinjípimi dání wigí rapirapí oyá ragíyo igíáninjí eagíáyí, ayí íkíá diṅjí niyiminjí imónipíríána danipaxí imóniro añjípimi íwíyo páwipaxí imóniro eṅagía náni yayí Gorixoyá diṅjí t́ni winipaxíyirini. ¹⁵ E neri af apimi bíariwámi ṅweagíáyí tiyí yarigiáyíyirini. Síwíninjí nimóniri ero ayáí ero íwí iniro pikíxwiríó ero wigí ṅwíápimi íá nixiriro meṅwearo “Yapí oraneyi.” niwimóniro yapisixí riro yarigiáyíyirini.

¹⁶ “Nioni, Jisasoni siyikí nioniyá aṅj apí apimi d́anjí imónigíáyí amipí apí nipini náni nijíá imónipírí náni gí aṅínajo áwanjí oseariniri urowárenapíárinini. Mixí ináyí Depitoyá xwíá piaxíyo dání iwiaroṅáoni, ayí nionirini. Síj ímiáoni, ayí nionirini.” riṅiginini.

¹⁷ Kwíyipi t́ni sipisipí miáo apixí meanfápi t́ni “Bei.” rariṅii. Xwiyíá ripi íá roariná aríá wíá giyí giyí eni “Bei.” rífrixinini. Ámá iniigí náni gwíní yeáyí niwiro “Iniigí diṅjí niyiminjí imónipírí náni imóniṅúmi dání niwiri onimini.” yaiwíá giyí giyí anani nibiro onípoi. ¹⁸ Xwiyíá bikwí ripimi wíá nirókiamóniri eániṅjipi íá roariná aríá wíá giyí giyíné aríá jiyikí niseaori re osearimini, “Ámá wiyíné xwiyíá ripimi ámi bi t́ni gwí nimori nírínáyí, xeaninjí bikwí ripimi eániṅjipi Gorixo e éíáyíné seaikáriníárinini. ¹⁹ Wiyíné xwiyíá bikwí ripimi wíá nirókiamóniri eániṅjipi rití nerínáyí, e éíáyíné Gorixo íkíá diṅjí niyiminjí imónipírí dananiro éíánami midanipa oépoiyniri pirí searakiri aṅj ṅwíápimi ṅweanro éíápimi mipáwipa oépoiyniri pirí searakiri neri seawáriníárinini.” osearimini.

²⁰ Xwiyíá ripi áwanjí rariṅo “Nepa nibímia náni aṅwi e imónini.” rarini. “Oyi, e imóníwinigini.” nimónarinini. Áminá Jisaso xirixá bírixini.

²¹ Ámá niyínéni Áminá Jisaso ayá osearimixini. Apirini.